

ጾኑሲ ማደም ዳኪንቴ ጳውሎስ ዳኬ ቤርታሳ ኪኢቶ ቆሮንቶስ ዓጮ ዓሶም ዓይያ ካር

ጳውሎስ ቆሮንቶስ ዓሶም ፃኣፔ ቤርታሳ ኪኢታ ፃኣፒንቴህ ዓይጎርዳይ ጌዔቴ ጳውሎስ ቆሮንቶስይዳ ዔቁሴ ሺኢጲያ ማኣርይዳ ኪሪሰቶስ ጉሙርቁ ናንጎ ናንጎና ኪሪሰቶስ ጉሙርቁያና ዛሎ ዔቁ ማታሳ ጌኤዞ ገኢጊሾንዶ ጎይህ ኮዓኒኬ። ቆሮንቶስ ዬኖ ዎዶና ዓጮ ቢያህር ማዔ ጌሪኬ ዓጪ ካታማኬ፤ ሃሃ ዓካይያ ጌይንታ ሮሜ ዓጮ ደማ ዓኣ ዓጩሎኮዎ ዴኤፒ ካታማኬ። ዬና ካታማላ ሚርጌ ኮርሞ ኮርሚንታያ፣ ዓሳ ዲማ ዲማ ጎይህ ናንጋያ ጊንህ «ፑርታኬ፣ ኮሺኬ» ጎዎ ባኣዚ ባኣያ ሃሃ ዲማ ዲማ ካኣሺ ዲቢ ዓኣ ቤሲኬ።

ጳውሎስ ባሺ ዔርዛኒ ኮዓህ ሺኢጲያ ማኣር ዓሶ ባኣካ ዓኣ ፓቂንቲያና «ፑርታኬ፣ ኮሺኬ» ጋዓ ማለህ ባኣያ ናንጊያ ዛሎ፤ ዬያጉዲ ሃሃ ዓኒ፣ ማቾ ማዒባኣያና ላሂህ ዛላና ዔፒ ዛላ፣ ዓሶኮ ማለያይዳ ዓኣ ጾኦጪህ፣ ሺኢጲያ ማኣር ዓሳ ዎርቃንዳ ዎጌ ዛላ፣ ዓያና ጌኤሺዳፓ ዒንጊንታ ዲማ ዲማ ዒንጊያ ዛሎና ሃይቢዳፓ ዔቁህ ዛላኬ። ኮዦ ሃይሳ ዬንህ ጾኦጪያንህኮ ማሂ ኬኤዛ ማሊያ ዒዚ ኮሺ ፔጋሲ ኬኤዛኬ።

ጾኑሲ ፔ ዳርሞ ዒንጌ ዒንጊያይዳፓ ቢያ ናሹሞ ባሺ ማዔህ ዔርዛ፣ ዓይ. 13 ሃኖ ማፃኣፖይዳ ሚርጌና ዔርታ ቤሲ ማዓንዳኔ ጌይንታኔ።

ማፃኣፔላ ዲማ ዲማ ዓርቁ ባኮ

ዓይያ ካር (1:1-9)

ሺኢጲያ ማኣር ዓሶ ባኣካ ማዦንቴ ዲሙሞ (1:10—4:21)

ዓኒ ሃሃ ማቾ ማዒባኣያና ላሂህ ዛላና ማኣሪ ዓሲና ዛላ (5:1—7:40)

ኪሪሰቶስ ጉሙርቃ ዓሶና ጉሙርቁዎ ዓሶና ዛላ (8:1—11:1)

ሺኢጲያ ማኣር ዓሶ ናንጎና ጾኑሲ ካኣሽኮንዶ ጎይህና (11:2—14:40)

ሃይቢፓ ዔቁህ ዛላ (15:1-58)

ኪሪሰቶስ ጉሙርቃ ዓሳ ዒንጋኒ ኮይሳ ማኣዳህ (16:1-4)

ጳውሎስ ፔ ዛላ ኬኤዜ ባኣዚና ጋፒንሢ ሃይሴ (16:5-24)

1 የኦሲ ማሊሢና ዩሱስ ኪሪስቶስም ዳኪንቲ ማዳያ ማዒ፥ ዔኤሊንቲ ጳውሎስና ኑ ዒሻሢ ሶስቲንሴናይዳፓ፤

2 ዩሱስ ኪሪስቶስና ዋላ ዔያቶኮ ዓኣ ፔቱሞና ዔያቶና ኑኡናናኮ ጎዳ ማዒ፥ ኑ ጎዳሢ፥ ዩሱስ ኪሪስቶሴ ቢያ ቤዛ ካኣሸካ ኪሪስቶሴ ጉሙርቃ ዓሶና ዋላ የኦሲም ዱማዴ ዴሬ ማዓንዳጉዲ ዔኤሊንቲ ቆሮንቶሴይዳ ዓኣ ኪሪስቶሴ ጉሙርቃ ዓሶም ቢያ፥

3 ኑ ዓዳሢ፥ የኣዛሢና ኑ ጎዳሢ፥ ዩሱስ ኪሪስቶሴይዳፓ ዒንጊንታ ዒንጊያና ኮሹሞና ዒንሢም ማየንጎ።

ጳውሎስኮ የኦሲ ጋላቲያ

4 ዩሱስ ኪሪስቶሴ ዛሎና የኦሲ ፔኤኮ ኮሹሞ ዒንጊያ ዒንሢም ዒንጊሢሮ ዒንሢ ዛሎሮ ቢያ ዎዴ ታ ዒዛ ጋላታኔ።

5 ዓይጎሮ ጌዔቲ ጌኤሲና ሃሣ ዔራቶና ኪሪስቶሴና ማዒ ዒንሢ ማርጌ ባኣዚ ዔሬሢሮኬ።

6 ኪሪስቶሴ ዛሎ ኑ ዒንሢም ማርካዴ ማርካታ ዒንሢኮ ዒና ዶዲ ዓኣኔ።

7 ዩያር ኑ ጎዳሢ፥ ዩሱስ ኪሪስቶሴኮ ሙኪያ ካፒ ካፒ ዒንሢ ናንጌቲ ዓይጎጉዴ ዓያና ዒንጊሢ ማዔቲያ ዒንሢም ፓጫዓኬ፤

8 ኑ ጎዳሢ፥ ዩሱስ ኪሪስቶሴ ማዒ ሙካ ኬሎና ደንኪሳ ባኣዚ ባኣያ ማዒ ዒንሢ ጳዳንዳጉዲ ዒዚ ዒንሢ ጋፒንያ ሄላንዳኣና ዶዲ ናንጋንዳጉዲ ማሃንዳኔ።

9 ፔኤኮ ናዓሢ፥ ኑ ጎዳ፥ ዩሱስ ኪሪስቶሴና ዋላ ፔቱሞ ዒንሢኮ ዓኣያ ማዓንዳጉዲ ዒንሢ ዔኤሌ የኣዛሢ ጉሙርቁንቲያኬ።

ቆሮንቶሴ ሺኢጲያ ማኣሮ ዓሶ ባኣካ ማኸንቲ ዱማዳያ

10 ታ ዒሾንሦ፥ ታ ሚሾንሦ! «ዒንሢ ባኣካ ዱማዳሢ ጴዳፓ፤ ቢያሢ ዋላ ጊኢጊ፥ ፔቲ ማሊሢና ፔቲ ዒናና ዓኣያ ማዒ ዶዲ ናንጉዋቲ» ጌይ ኑ ጎዳሢ፥ ዩሱስ ኪሪስቶሴ ሰንያና ታ ዒንሢ ሺኢቃኔ።

11 ታ ዒሾንሦ፥ ታ ሚሾንሦ! ዒንሢ ባኣካ ማርሞና ፓቁንቲሢና ዓኣሢ ቁሎዔ ማኣሮ ዓሶይዳፓ ታ ዋይዜኔ።

12 ታ ዋይዜ ጎይያ ዒንሢ ፔቲ ፔቲሢ፡- «ታኣኒ ጳውሎስ ዓሲኬ፤ ታኣኒ ዓጲሎስ ዓሲኬ፤ ታኣኒ ኬፓ * ዓሲኬ» ጋዓዛ፥ ዛላ፡- «ታኣኒ ኪሪስቶሴ ዓሲኬ» ጋዓኔ፥ ጋዓያኬ።

* 1:12 ኬፓ፡- ጌይያ ጊሪኬ ዓሶ ሙኤጮና «ጳዳሮሴ» ጌይሢኬ። 1:12 ዳኪ ማዳ 18:24።

13 ሂዳዎ ኪሪሰቶስ ፓቂንቴኔ ጌይሂዳ? ጳውሎስ ዒንሂሂ ዛሎ ሱዲንጉ ሃይቂያ? ሃሣ ዒንሂሂ ዋኣዎና ማሰቴሂ ጳውሎስ ሱንጎናዳ?

14 ታኣኒ ቁሪሰጳሴና ጋይዮሴናይዳፓ ዓታዛ ዒንሂሂዳፓ ያናኣ ዋኣሂና ማሰኪባኣሂረ ያኦሲ ታ ጋላታኔ።

15 ዬያሮ «ጳውሎስ ሱንጎና ታ ዋኣዎ ማሰቴኔ» ጌቢ ኬኤዛንዳይ ዒንሂሂዳፓ ባኣሴ።

16 ጎኔኬ፤ ዒሰዲፓሮሴ ማኣሮ ዓሶ ታ ማሰኬኔ፤ ያቶይዳፓ ዓታዛ ሜሌ ዓሲ ታ ማሰኬያ ዓኣሂ ታኣም ዔርቱዋሴ።

17 ኪሪሰቶስ ታና ዳኬሂ ዒዛኮ ኮዦ ሃይሶ ቃኣሎ ኬኤዛንዳጉዲኬ፤ ዋኣሂና ታ ማሰካንዳጉዲቱዋሴ፤ ኪሪሰቶሱኮ ፑርቶ ዓሶ ሱዎ ሚፃ ሱዲንጉ ሃይቂፃ ጉሪ ማዒ ዓቱዋጉዲ ዒዛኮ ኮዦ ሃይሶ ቃኣሎ ታ ኬኤዛሂ ዓሲዳፓ ማዔ፣ ጌኤሲ ዔራቶናቱዋሴ።

ኪሪሰቶሱኮ ያኦሲ ዋልቆና ዔራቶና ማዒያ

18 «ኪሪሰቶስ ፑርቶ ዓሶ ሱዎ ሚፃ ዑፃ ሱዲንጉ ሃይቂኔ» ጋዓ ቃኣላ ባይቃኒ ጊኢጌ ዓሶም ዔኤያቶ ማዒ ዛጊንታኔ፤ ኑና ዳቃ ዓሶም ጋዓንጉ ያኦሲ ዋልቂኔ።

19 ዓይጎሮ ጌዔቴ፡-
«ዔር ዓሶኮ ዔራቶ ታ ባይዛንዳኔ፤
ዑሃ ዓኣጳ ዔርኮ ዔራቶ ታ ጉሪ ማሃንዳኔ» ጌይንጉ ፃኣፒንቴሂሮኬ።

20 ዓካሪ ዔራሂ ዋካ ዓኣይ? ዑሃ ዓኣጳ ዔራሂያ ዋካዳይ? ሃሣ ቢያ ባኮ ዛጊ፣ ዲማሲ ዔራሂያ ዋካ ዓኣይ? ያኦሲ ሃያ ዓጮ ዔራቶ ዔኤያቶ ማሂባኣዳዳ?

21 ሃያ ዓጮ ዓሳ ፔ ዔራቶና ያኦሲ ዔራኒ ዳንዳዑዋጉዲ፣ ያኦሲ ፔ ዔራቶና ዔያታ ዔራዋጉዲ ማሄኔ፤ ጋዓንጉ ዓጮ ሃያም ዔኤያቶ ማዒ ፓይዲንጉ፣ ኑ ኬኤዛ ኮዦ ሃይሶ ኪኢታ ጉሙርቃዛንሂ ዳቂሻንዳጉዲ ያኦሲ ማሊሂ ማዔኔ።

22 ዒንሂሂ ዔራሂጉዲ ዓይሁዶ ዓሳ ያኦሲ ዋልቂና ማዲንታ ዓኪ ባኣዚ ዛጋኒ ኮዓኔ፤ ሃሣ ዓይሁዶ ማዒባኣ ጊሪኮ ዓሳ ዔራቶ ዔራኒ ኮዓኔ።

23 ኑኡኒ ጋዓንጉ ሱዲንጉ ሃይቂ ኪሪሰቶስ ዛሎ ኬኤዛኔ፤ ዬይ ኑኡኒ ኬኤዛ ሃይሳ፡- ዓይሁዶ ዓሶም ዔርቶ ዒዲ ዳሲሻያና ዓይሁዶ ማዒባኣ ጊሪኬ ዓሶም ዔኤያቶኬ።

24 ያኦሲ ዔኤሌ፣ ዓይሁዶ ማዔቴያ ዓይሁዶ ማዒባኣ ጊሪኬ ዓሶም ጋዓንጉ ኪሪሰቶስ ያኦሲኮ ዋልቂና ዔራቶናኬ።

1:14 ዳኪ. ማዶ 18:8፤ 19:29፤ ሮሜ 16:23። 1:16 1ቆር. 16:15። 1:19 ዒሲ. 29:14። 1:20 ዓሲ. 12:17፤ ዒሲ. 19:12፤ 33:18፤ 44:25።

25 ዎይቲ ጌዔቲ ያኦሲ ዔዔኤዬኔ ጎዖዛ፣ ዩይ ዓሲ ዔራቶይዳፓ ባሺኬ፤ ሃሣ ያኦሲ ላላቤኔ ጎዖዛ፣ ዓሲ ዎልቄይዳፓ ባሺ ማዓሢሮኬ።

26 ታ ዒሾንሦ ታ ሚሾንሦ! ያኦሲ ዒንሢ ዔኤላ ዎዶና ዒንሢ ዎዘጉዳ ዓሲታቲ ሂንዳ ማሉዎቲ፤ ዓሲ ማላ ጎይሢና ዒንሢ ባኣካ ሚርጌሢ ዔራ ዓሲ፣ ዎልቄና ዓኣ ዓሲ ሃሣ ዴኤፒ ዴኤፒ ጌይንታ ዓሲ ባኣሴ።

27 ጋዓንቲ ያኦሲ ዔሮ ዓሶ ቦርሲሳኒ ዓጮይዳ ዔኤያኬ ጎዖ ዓሶ ደኦሬኔ፤ ሃሣ ዎልቄና ዓኣ ዓሶ ቦርሲሳኒ ዓጮይዳ ላቤያ ማዒ ፓይዲንታዞንሢ ደኦሬኔ።

28 ዓጮ ዓሶም ቦንቹንቲያ ማዒ ጴዳ ባኮ ባይዛኒ ዓጮይዳ ቦሃንቲያ፣ ጉሪ ማዔያ ሃሣ ቤሲ ባኣ ባኮ ደኦሬኔ።

29 ዩያ ያኦሲ ማዴሢ ዓይጎ ዓሲያ ዒዛ ቤርታ ያቶርቁዎጉዲኬ፤

30 ዒንሢ ጋዓንቲ ያኦሲ ዩሱሰ ኪሪሰቶሴና ዎላ ፔቱሞ ዓኣያ ማዓንዳጉዲ ማሃኔ። ዩያሮ ኑኡኮ ዔራታ፣ ዲሉማ፣ ኑኡኮ ያኦሲም ዲማዴያ ማዒያ፤ ሃሣ ኑና ዳቁሻያ ማዓሢያ ዩሱሰ ኪሪሰቶሴ ማዓንዳጉዲ ያኦሲ ማሃኔ።

31 ዓካሪ ጌኤዠ ማፃኣፓ ጋዓሢጉዲ፡- «ያቶርቃሢ ያኦሲና ያቶርቆንጎ» ጌዔኔ።

2

ኪሪሰቶሴኮ ሱዲንቶ ዛሎ

1 ታ ዒሾንሦ! ታ ሚሾንሦ! ታኣኒ ዒንሢ ኮይላ ሙኬያና ያኦሲኮ ዓኣሺንቲ ማሊያ * ታ ዒንሢ ዔርዜኔ፤ ታኣኒ ሃይሴ ዔሪ ጌሰታያ ማዔሢና ታኣኮ ዓኣ ዔራቶና ዒንሢም ዳዋኒ ታ ኮዒባኣሴ።

2 ዓይጎሮ ጌዔቲ ዒንሢና ታ ዓኣ ዎዶማና ዩሱሰ ኪሪሰቶሴ ዛሎና ሃሣ ዒዛኮ ሱዲንቲ ሃይቦ ዛሎይዳፓ ዓታዛ ማሌ ዓይጎዎ ዔራዎያ ማዓኒ ታ ማሌሢሮኬ።

3 ዩያሮ ዒንሢ ኮራ ታ ዓኣ ዎዶና ላቤ ዓሲ ማዒ፣ ዒጊቹሞና ሚርጌ ጎጋይቁሢያይዳ ታ ዓኣያ ማዔኔ።

4 ታኣኒ ኬኤዜሢታቲያ ዔርዜ ቃኣላ ያኦሲ ዓያናና ማኣዲንቲ ማዓንዳኣፓዓቲም ዓሲ ዔራቶና ዑሣ ዓኣዴ ዔራቶና ሃሣ ሃይሴ ኮሺሢናቲዎሴ።

5 ዩያ ታኣኒ ማዴሢ ዒንሢኮ ያኦሲ ጉሙርቁያ ዓሲ ዔራቶና ማዒባኣዎ፣ ያኦሲ ዎልቄና ማዔያ ማዓንዳጉዲኬ።

1:31 ዔሮ. 9:24። * 2:1 ያኦሲኮ ዓኣሺንቲ ማሊያ፡- ጋዓዞ ፔቲ ፔቲ ማፃኣፓ «ያኦሲ ዛሎ ማርካዲ» ጋዓኔ።

ጾኦሲ ዔራቶ

6 ጋዓንቴ ዓያኖ ናንጎና ዶዴ ዓሰም ዔራቶና ኑ ኬኤዛኔ፤ ኑኡኒ ኬኤዛ ዔራታ፡- ሃያ ዓጮ ዔራቶ ሃሣ ጋፒንፃ ባይሲንታ ማዔ፥ ሃያ ዓጮ ዋይሣ ዓሰ ዔራቶናቱዋሴ።

7 ኑኡኒ ኬኤዛ ዔራታ ጋዓንቴ ጾኦሲ ቤርታዲ ሚርጌ ዋዴኮ ቤርታኣፓ ኑ ቦንቾም ጌዒ ጊኢጊሼ፥ ጾኦሲኮ ዓኣሺንቴ ዓኣ ዔራቶኬ።

8 ሃያ ዓጮ ዋይሣ ዓሰ ባኣካፓ ዬያ ዔራቶ ዔሬይ ጾኦኒያ ባኣሴ፤ ዋንዴ ዔያታ ዬያ ዔሬያ ማዔቴ ቦንቾንቴ፥ ጎዳሢ ሱፂ ዔያታ ዋዲንዲዋያታንቴኬ።

9 ዬይ ያዲ ማዔቴያ ጌኤኩ ማፃኣፓ፡-

«ዓሲኮ ዓኣፒ ዴንቁባኣያ
ዋይዚ ዋይዚባኣያ
ሃሣ ዒናኣ ማሊባኣያ

ጾኦሲ ዒዛ ናሽካዞንሢም ጊኢጊሼኔ» ጋዓኔ።

10 ኑም ጋዓንቴ ጾኦሲ ፔኤኮ ዓያኖ ዛሎና ዓኣሺንቴ ማሊያ ፔጋሲ ዔርዘኔ። ዓይጎር ጌዔቴ ጾኦሲኮ ዓያና ዔርቱዋያ ማዔ፥ ጾኦሲ ማሊያታዎ ዓይሱዋዎ ቢያ ባኣዚ ዴንቁ ዔራሢርኬ።

11 ፔቴ ዓሲ ዛላ ማዔቴ ፔቴ ዒዛ ዓሢ ዓያናፓ ዓታዛ ማሌ ዒዛይዳ ዓኣ ዒዛኮ ማሊያ ዔራንዲይ ጾኦኒያ ባኣሴ፤ ዬያጉዲ ጾኦሲ ዓያናፓ ዓታዛ ጾኦሲ ማሊያ ዔራይ ባኣሴ።

12 ኑኡኒ ሃያ ዓጮ ዓያኖ ዔኪባኣሴ፤ ኑኡኒ ዔኬሢ ጾኦሲ ኑም ዒንጌ ባኮ ቢያ ኑና ዔርዛ ጾኦሲ ዓያኖኬ።

13 ዬያር ኑኡኒ ዓያኖ ዛሎ ባኮ ዓያኖና ዓኣ ዓሰም ዔርዛሢ ዓሲዳፓ ጴዴ ዔራቶናቱዋንቴ ጾኦሲ ዓያኖይዳፓ ጴዴ ዔራቶናኬ።

14 ጾኦሲ ዓያናባኣ ዓሲ ጾኦሲ ዓያኖ ዒንጋ ዒንጊያ ዔካኒ ዳንዳዑዋሴ፤ ዓይጎር ጌዔቴ ዬይ ዓያኖና ዛጊንቴ ዔርታ ባኣዚ ማዔሢር ዒዛም ዔርታኒ ዳንዳዑዋሴ፤ ጉቤ ዬይ ዒዛም ዔኤያቶ ማሊ ጴዴንዳኔ።

15 ጾኦሲ ዓያኖና ዓኣ ዓሲ ቢያ ባኣዚ ዛጊ ዔራኒ ዳንዳዓኔ፤ ዒዛ ጋዓንቴ ጾኦኒያ ዛጊ ዔራኒ ዳንዳዑዋሴ።

16 ዬይያ፡-

«ጾኦሲ ዒና ጾኦኒ ዔራይ?
ዒዛ ዘራኒ ዳንዳዓሢያ ያናዳይ?»
ጌይንቴ ፃኣፒንቴሢጉዲኬ።
ኑኡኮ ጋዓንቴ ኪሪሰቶሴ ዒና ዓኣኔ።

2:9 ዓ.ሲ. 64:4። 2:16 ዓ.ሲ. 40:13።

3

ቆርንቶሴ ሺኢጲያ ማኦር ዓሰ ባኣካ ማዠንገጥ ዲሙሞ

1 ታ ዒሾንሦ ታ ሚሾንሦ! ጎኔ ኬኤዘያታቲ ታኣኒ ዒንሢ ዔርዘሢ ሃጊ ዒንሢ ኪሪሰቶሴ ጉሙርቂያና ዶዲባኣ፡ ናይ ማዔያ ሃሣ ሃያ ዓጮ ማሊያና ዓኣ ዓሲ ማሂ ማዓንዳኣፓዓቲሞ ዶዲ ዓያናና ዓኣ ዓሲ ማሂ ታ ዒንሢ ዔርዘኒ ዳንዳዒባኣሴ።

2 ዶዲ ሙኡዚ ሙዓኒ ዳንዳዒባያ ዒንሢ ማዔሢር ታ ዒንሢ ዑሼሢ ዲኢቂ ማዓንዳኣፓዓቲሞ ዶዲ ሙኡዚ ታ ዒንሢ ሙኡዚባኣሴ፤ ሃሢታቲያ ዒንሢ ዶዲ ሙኡዚ ሃጊ ሙዓኒ ዳንዳዒባያኩ።

3 ዎይቲ ጌዔቲ ሃሢያ ዒንሢ ሃያ ዓጮ ዓሰ ማሊያና ዓኣያኩ፤ ዎሊ ዒንሢ ቁኢራያና ማርማያናታሢር ሃያ ዓጮ ዓሰ ማሊያና ዓኣኔ ጌይሢቲዎዳዳ? ያኦሲ ዓሲ ማዒፃ ዒንሢኮ ዓቲሞ ሃያ ዓጮ ዓሰ ዒንሢ ማዒባኣዳዳ?

4 ዒንሢዳፓ ፔቲሢ፡- «ታ ጳውሎሴ ዓሲኬ» ጋዓዛ፡ ባጋሢ ሃሢ፡- «ታኣኒ ዓጲሎሴ ዓሲኬ» ጌይያና ዒንሢ ያኦሲ ዓሲ ማዒፃ ሃሺ ሃያ ዓጮ ዓሲ ማዒባኣዳዳ?

5 ዓካሪ ዓጲሎሴንታ ጳውሎሴንታ ዓይጎዳይ? ዔያታ ዒንሢ ኪሪሰቶሴ ጉሙርቃንዳጉዲ ማሂ ያኦሲሞ ማዳ ዓሰኬ፤ ዔያታ ፔቲ ፔቲሢ ማዳሢ ጎዳ ዔያቶ ማዳንዳጉዲ ዓይሢ ጎይያኩ፤

6 ዘርያ ታ ዶኡቁኔ፤ ዓጲሎሴ ዎኣያ ዑሼኔ፤ ባቃልሲ ዑጊሴሢ ጋዓንቲ ያኦሲኩ።

7 ዬያር ጳኤፖ ማዳ ማዳሢ ባቃሎ ዑጊሴ፡ ያኦዛሢ ማዓንዳኣፓዓቲሞ ዶኡቁሢንታ ዎኣያ ዑሼሢንታቲዎሴ።

8 ዘርያ ዶኡቁሢና ዎኣያ ዑሼሢና ሄኮኩ፤ ዬያታ ፔቲ ፔቲሢ ፔኤኮ ማዳጉዳያ ማዳ ዛሎ ዒንጎ ባኮ ዔካንዳኔ።

9 ዓይጎር ጌዔቲ ኵኡኒ ያኦሲሞ ዎላ ማዳዘንሢኬ፤ ዒንሢ ጋዓንቲ ያኦሲኮ ጎዠና ማኦርና ማዓያኩ።

10 ያኦሲ ታኣሞ ዒንጌ ኮሹሞ ዒንጊያጉዴያ ኮሺ ዔራ፡ ማኦር ማዠ፡ ሃኣሚጉዲ ቦኣኮሎ ታ ቦኣኮልቄኔ፤ ባጋሢ ታኣኒ ቦኣኮልቄሢዳ ማኦር ማዠኔ፤ ጋዓንቲ ፔቲ ፔቲሢ ዎማይዲ ዔሪ ማዠንዳቲያ ኮሺ ዔራኒ ኮይሳኔ።

11 ዓይጎር ጌዔቲ ፔቲና ቦኣኮልቄንቲማፓ ዓታዛ ያኦኒያ ሜሌ ጊዳ ቦኣኮልቃኒ ዳንዳዒባሴ፤ ዬይ ቦኣኮላሢ ዬሱሰ ኪሪሰቶሴታሢርኩ።

3:2 ዔ.ብ. 5:12-13። 3:4 1ቆር. 1:12። 3:6 ዳኪ. ማዳ 18:4-11፤24-28።

12 ዬያ ቦኦኮላሢዳ ዋርቁና ማዕቴያ ቢራ ዓንገና ሃሣ ኮሺ ሚዛጲ ሹቹናኣ ማዖም ሚሢና ሃሣ ማኣቲና ማዕቴያ ሃውሊና ማኸይ ዓኣቶ፡-

13 ፔቴ ፔቴሢ ዓይጎና ማዠቴያ ዔርታንዳ ዋጌ ኬሊ ሙካንዳኔ፤ ዬና ኬላ ፔቴ ፔቴ ዓሳ ማኣሮ ማዠቴሢ ዓይጎናታቴያ ታሚዳ ዓገንቲ ዛገንታንዳሢሮ ዲማዲ ዔርታንዳኔ።

14 ማኣሮ ማዠቴ ዓሢኮ ማዳ ታሞና ሙይንቱዋዖ ዶዲ ዓቴቴ ዬይ ዓሢ ፔ ማዳ ዛሎ ዒንጎ ባኮ ዔካንዳኔ።

15 ማዳ ታሚና ሙይንቲ ባይቁ ዓሢ ጋዓንቲ ማዳ ዛሎ ዒንጎንዶ ባኮይዳፓ ዓታንዳኔ፤ ዬይ ያዲ ማዕቴያ ዓሢ ታማ ጋውሊንቲ ዓቴያጉዲ ማዒ ዳቃንዳኔ።

16 ዒንሢ ዒንሢ ቶኦኪና ያኦሲኮ ጌኤሺ ማኣሪ ሃሣ ያኦሲኮ ዓያና ዒንሢዳና ናንጋያታሢ ዒንሢ ዔራዋዓዳ?

17 ዓካሪ ዓሲ ያኦሲኮ ጌኤዠ ማኣሮ ሻሄቴ ያኦሲ ዒዛ ዓሢ ባይዘንዳኔ፤ ዓይጎሮ ጌዔቴ ያኦሲኮ ጌኤዠ ማኣራ ዒዛም ዲማዳያታሢሮኬ፤ ዬይ ጌኤዠ፣ ዲማዳ ማኣራ ዒንሢኬ።

18 ያኦኒያ ፔና ጌሾፓ፤ ሃያ ዓጮ ዔራቶ ጎይያና ዔራ ማሂ ፔና ዛጋ ዓሲ ዓኣቶ ያኦሲኮ ጎኔ ዔራቶ ዴንቃኒ ፔና ዔኤያ ማሂ ዛጎንጎ።

19 ዓይጎሮ ጌዔቴ ሃያ ዓጮ ዔራታ ያኦሲ ቤርታ ዔኤያቶታሢሮኬ፤ ዬይያ፡-

«ያኦሲ <ዔሮኬ» ጋዓ ዓሶ
ዔያቶኮ ጌና ማሊያና ዔያቶ ዓርቃኔ» ጌይንቲሢጉዲኬ።

20 ዬያጉዲ ሃሣ፡-

«ያኦሲ ሃያ ዓጮ ዔሮ ዓሶኮ ማሊፃ
ጉሪ ባኣዚ ማዔሢ ዔራኔ» ጌይንቲ ያኣፒንቴኔ።

21 ዬያሮ ቢያ ባካ ዒንሢሮ ማዔሢሮ ዓይጎ ዓሲያ ፔ ማዳ ባኣዚና ሄርሺንቶፓ።

22 ጳውሎሴ፣ ዓጲሎሴ፣ ጳጲሮሴ፣ ሃይ ዓጫ፣ ናንጋ፣ ሃይባ፣ ሃሢ ዓኣ ባኮ ማዕቴያ ሃጊ ሙካንዳ ባካ ቢያ ዒንሢሮኬ።

23 ዒንሢ ጋዓንቲ ኪሪሰቶሴሮኬ፤ ኪሪሰቶሴ ሃሣ ያኦሲሮኬ።

4

ኪሪሰቶሴም ማዳ ዓሶ

3:16 1ቆሮ. 6:19፤ 2ቆሮ. 6:16። 3:19 ዒዮ. 5:13። 3:20 ዓይኮ. 94:11።

1 ዓካሪ ዓሲ ቢያ ኑና ኪሪሰቶሴም ማዳ ዓሲ ሃሣ ያኑሲኮ ዓኣሺንቴ ማሊያ ፔጋሳንዳጉዲ፣ ጉሙርቂ ዲንጎና ዓሲኬ ጋዓንዳያ ኮይሳኔ።

2 ጉሙርቂ ዲንጎና ዓሳ ጉሙርቂንታያ ማዓኒ ኮይሳኔ።

3 ታና ዲንሢታቲያ ሃሣ ሜሌ ዓሳ «ዲ ዳቤኔ» ጌዒ ዋጋያ ማዔቲያ ሜታ ባኣሴ፣ ናንጎንጎ፤ ታኣኒታ? «ታ ዳቤኔ» ጌዒ ታ ጊዳ ዋጋኒ ዳንዳዑቀሴ።

4 ታ ዔራ ጎይያናታቲ ታ ዒና ታና «ዳቤኔ» ጎዑቀሴ፤ ዬይ- ታኣኮ ዳቢንቴ ባኣያ ማዔያ ዔርዙቀሴ፤ ጋዓንቴ ታ ጊዳ «ኔ ዳቤኔ» ጌይ ዋጋንዳሢ ጎዳ ዬሱሴ ሌሊኬ።

5 ዬያሮ ጎዳ ዬሱሴ ጋፒንያ ዋጎሮ ሙካንዳሢኮ ቤርታ ያጊዳ ማዔቲያ ኮይሱቀ ጎይሢና ዋጊፖቴ፤ ዒዚ ሙኬ ዋዶና ዲሞይዳ ዓኣሺንቴ ባኮ ፔጋሳንዳኔ፤ ሃሣ ዓሳ ፔ ዒና ዓኣቺ ዓርቁ ማሊያ ፔጋሲ ዒማና ዳዋንዳኔ። ዒማና ፔቴ ፔቴሢ ያኑሲዳፓ ኮይሳ ጎይያና ጋላታ ዴንቃንዳኔ።

6 ታ ዒሾንሦ! ታ ሚሾንሦ! ዒንሢ ማኣዳኒ ጌዒ ታኣና ዓጲሎሴና ዬያ ዛሎኮ ኮኣኪንሢ ማሂ ታ ዒንሢም ኬኤዜኔ፤ ዬያ ታ ማዳሢ- «ጻኣፒንቴ ዋጎኮ ዑሣ ዓኣዲፖ» ጋዓ ዘሮ ኑ ዛሎና ዒንሢ ዔራንዳጉዲ ጌይኬ። ዬያሮ ፔቴያ ባጋሢዳፓ ባሼ ማሂ ዛጊ፣ ዒዛና ሄርሺንቴፖቴ።

7 ኔና ሃንጎ ዓሶይዳፓ ባሼ ማሄሢ ያናዳይ? ቢያ ባኮ ኔ ዔኬሢ ያኑሲዳፓኬ፤ ኔኤሮ ማዔ፣ ዓይጎ ባኣዚያ ባኣሴ፤ ሂዳያ ቢያ ባኮ ኔ ዔኬሢ ያኑሲዳፓ ማዔቴ ዔኪባኣያ ማዒ ዓይጋ ኔ ሄርሺንታይ?

8 ሃሢ ሃይሾ ዒንሢም ኮይሳ ባኮ ቢያ ዒንሢ ዴንቄኔ! ሃሣ ዒንሢ ያርጎጩኔ! ኑ ጊዳፓ ዲማዲያ ዒንሢ ካኣታዴኔ! ጎኔ ዒንሢ ካኣታዴያ ማዔቲያ ኑኣኒ ዒንሢና ዋላ ካኣታዳንዳያታሢሮ ካኣቲማ ዒንሢኮ ኮሺ ማዓንዳንቴኬ።

9 ዋይቲ ጌዔቴ ያኑሲ ኑና፣ ዒዛ ማዶም ዳኪንቴዘንሢ ሃይቃንዳጉዲ ዋጊንቴ ዋዶ ቤዘ ዔኪ ዓኣዶ ዓሶ ባኣኮይዳፓ ጋፒንሢ ዓሲ ማሄያ ታኣም ማላኔ፤ ዬያይዳፓ ዔቁያና ዓጮ ቢያይዳ ያኑሲ ኪኢታንቸንታ ዓሶንታ ቤርቶይዳ ዓማሊ ባኣዚ ሃሣ ሚኢቺም ማዓ ባኣዚ ማዒ ኑ ጴዳኔ።

10 ኑኣኒ ኪሪሰቶሴሮ ጌዒ ዔኤያ ማዔኔ፤ ዒንሢ ጋዓንቴ ኪሪሰቶሴና ማዔያና ዔራ ዓሲ ማዔኔ፤ ዬያጉዲ ዒንሢ ዶዲ ዓሲ ማዔኔ፤ ኑኣኒ ላቤ ዓሲ ማዔኔ፤ ሃሣ ዒንሢ ቦንቺንቴ ዓሲ ማዔኔ፤ ኑኣኒ ጋዓንቴ ቦሂንቴ ዓሲ ማዔኔ።

11 ሃሣያ ሃይማ ሄላንዳኣና ኑ ናይዲንታኔ፥ ዴኤቢንታኔ፥ ካላዳኔ፥ ጳርቁንታኔ፤ ሃሣ ማኣሪ ባይዚ ኑ ሜታዳኔ።

12 ሃሣ ኑ ኩቻ ኑ ማዲ ማዲ ላቢንታኔ፤ ዓሳ ኑና ጫሽካኣና ኑ ዓንጃኔ፤ ኑና ዒዲ ዳውሶቀና ኑ ጊቢ ዳንዳዓኔ፤

13 ኑና ጫሽኪ፥ ሱንጾቀ ኑኡኮ ፑርቲሳኣና ኮሺ ዑኡሲ ኑ ዔያቶም ማሃኔ፤ ሃሣ ሄላንዳኣና ሃያ ዓጮኮ ኬኤሪንቲያ ሃሣ ፒያና ቡኡራጉዲ ኑ ማዒ ዓኣኔ።

14 ሃያ ታ ዒንሣም ፃኣፓሣ ታኣኮ ናሽኪንቲ ናኣቶ ማሂ ዒንሣ ዘራኒ ማዓንዳኣፓዓቲም ዒንሣኮ ዒኔ ዴኡዛኒቲቀሶ።

15 ዋዚ ዒንሣኮ ሚርጌ ሺያና ፓይዲንታ ዲቻ ዓሲ ኪሪሰቶሴ ዛሎና ዓኣቲያ ሚርጌ ዓደንሣ ዒንሣኮ ባኣሴ፤ ኮዢ ሃይሶ ኬኤዚያና ዩሱሰ ኪሪሰቶሴ ዛሎና ዒንሣ ሸዔሣ ታና ሌሊኬ።

16 ዬያር ታ ሃንቲ ጎይያ ዒንሣ ሃንታንዳጉዲ ታ ዒንሣ ሺኢቃኔ፤

17 ጎዳ ሱንጾና ታኣኮ ናሽኪንታሣና ጉሙርቁንታ ናዓሣ ማዔ፥ ፃሞቲቀሴ ታ ዒንሣም ዳኬሣ ዬያርኬ፤ ታኣኒ ቢያ ቤዘይዳ ሺኢጲያ ማኣራ ዔርዜ ጎይያ ሃሣ ኪሪሰቶሴና ታ ዴንቄ ዓኮ ናንጎ ታ ናንጌ ጎይያ ዒዚ ዒንሣ ዔርዛንዳኔ።

18 ጋዓንቲ ዒንሣ ባኣካፓ ፔቲ ፔቲዘንሣ ታ ዒንሣ ኮይላ ሙኪንዲቀያ ዔያቶም ማሌም ሚርጌና የቶርቃኔ፤

19 ያዲ ማዔቲያ የኣሲ ጌዔቲ ዑኬ ኬሊዳ ታ ዒንሣ ኮይላ ሙኪ ዬና የቶርቃ ዓሶኮ ጌኤዞ ሌሊቲቀንቲ ዋልቆዋ ዔያቶኮ ታ ዔራኒ ኮዓኔ።

20 ዓይጎር ጌዔቲ የኣሲ ካኣቲማ ማዒባኣ ጉሪ ሃይሴቲቀንቲ የኣሲ ዋልቁታሣርኬ።

21 ዒንሣ ኮዓ ባካ ዓይጎዳይ? ዒንሣ ጳርቆንዶ ኮኣሎ ታ ዔኪ ሙካንዳጉዲ ዒንሣ ኮዓም? ናሹሞና ሸሌዑም ዓያናና ማዒ ታ ዒንሣ ኮይላ ሙካንዳጉዲ ዒንሣ ኮዓይ?

5

ኪሪሰቶሴ ጉሙርቃ ዓሶ ባኣካ ማዲንቲ ቦርሲሳ ማዲ

1 ዒንሣ ባኣኮይዳ ማቾ ሃሣ ዓኒ ማዒባኣያና ላሂንታ፥ ቦርሲሳ ሃይሴ ዋይዚንታኔ፤ ዬያጉዴ ማዲ ሜሌ ዴር ባኣካታየ ማዲንቲቀያኬ፤ ዬይያ፡- ዒንሣ ባኣካ ፔኤኮ ዒንዶ ሌጎ ዔኬ ዓሲ ዓኣኔ ጌይንታኔ።

4:12 ዳኪ. ማዲ 18:3። 4:16 1ቆር. 11:1፤ ፒልጲ. 3:17። 5:1 ላሚ. ዋማ 22:30።

2 ዓካሪ ይያጉዳ ቦርሲሳ ማድ ዲንሢ ባኣካ ዓኣንቴ ዓይጎር ዲንሢ ምቶርቃይ? ይያይዳገ ይያ ባኮ ዛሎር ምዳ፡ ይያ ማድ ማዴሢ ዲንሢ ባኣካገ ሺኢሻንዳያ ኮይሳያታንቴኬ።

3 ዋዚ ታ ዲንሢና ምላቱቆቲያ ዓያኖና ታ ዲንሢና ምላኬ፤ ሃሢ ታ ዓዳ ዲንሢና ምላ ዓኣያ ማዲ፡ ይያጉዳ ዲኢቲ ማድ ማዴ ዓሢ ዑፃ ጎዳ ዬሱሰ ኪሪሰቶሴ ሱንፆና «ዲ ዳቤኔ» ጌይ ታ ዋጌኔ።

4 ዲንሢ ቡኪንታ ምዶና ታኣኒያ ዓያኖና ዲንሢና ምላታሢ፡ ኑ ጎዳሢ፡ ዬሱሴ ሱንፆና ሃሢ ዲንሢ ባኣኮይዳ ዓኣ፡ ጎዳ ዬሱሴ ምላቆና፡

5 ጎሜ ማዳ፡ ይያ ዓሢኮ ዑፆ ዓሽካ ባይቃንዳጉዲ ዲንሢ ባኣካገ ዲማሲ፡ ፃላሄም ዲዛ ዓኣሢ ዲንጋንዳያ ኮይሳኔ፤ ይያ ዲንሢ ማዳንዳሢ ጎዳ ጋፒንፆ ምጎር ሙካኣና ይያ ዓሢኮ ሽምጋሢ ዲቃንዳጉዲኬ።

6 ዓካሪ ዲንሢ ሄርሺንቴ ምቶርቃሢ ጉሪኬ፤ ሙኑቃ ፃኣዛ ዲቦ ሙኑቆ ቢያ ካፂሳሢ ዲንሢ ዔሩቆይ?

7 ፃኣዛ ባኣ ሙኑቃ ዲንሢ ማዳንዳጉዲ ሙኑቆ ፃኣዛ ዲንሢዳገ ባይዙቆቴ፤ ዲንሢዳ ዬይ ባኣሢያ ታ ዔራኔ፤ ዑሣ ዓኣዲፆ ኬሎ ማሪዓሢ ማዔ፡ ኪሪሰቶሴ ኑ ጋይቲ ሹኪንቴ ሃይቄኔ፤

8 ዬያር ፑርቱሞና ጌኔ ማዳና ኩሜ፡ ሙኑቆ ፃኣዘናቱሞንቴ ሙኑቆ ፃኣዛባኣ ላኣዶ ሙዲ ኑኡኮ ቦንቾ ኬሎ ፒዙሞና ሃሢ ጎኑሞና ኑ ቦንቾም።

9 ሃያኮ ቤርታ ታ ዲንሢም ፃኣፔ ኪኢቶይዳ፡ «ማቾ ሃሢ ዓኒ ማዳባኣያና ላሃ ዓሶና ምላ ፔቲ ማዲፖቲ» ታ ዲንሢም ጌዔኔ።

10 ዬያ ታ ጋዓዛ ሃያ ዓጮይዳ ዓኣ ማቾ ሃሢ ዓኒ ማዳባኣ ዓሶና ላሃ ዓሶና ሚኢሾር ጎጋይቃ ዓሶና ይያጉዲ ዉዘና ጎኔ ፆኦሲ ማዳባኣ ባኮ ካኣሽካ ዓሶና ምላ ፔቲ ማዲፖቲ ጌይሢቱሞሴ፤ ያዲ ማዔያታቲ ሃያ ዓጮይዳገ ኬሰካንዳያ ዲንሢም ኮይሳኔ ጌይሢኬ።

11 ታኣኒ ጋዓንቴ ዲንሢም ፃኣፔሢ፡ «ኪሪሰቶሴ ጉሙርቃ ዓሲኬ» ጌይ ጌይ ማቾ ሃሢ ዓኒ ማዳባኣያና ላሃዘንሢና ሚኢሾር ጎጋይቃዘንሢና፡ ይያጉዲ ጎኔ ፆኦሲ ማዳባኣ ካኣኮ ካኣሽካ ዓሶና ዓሲ ጫሽካ ዓሶና ማሢንታ ዓሶና ሃሢ ዉኡቃ ዓሶና ምላ ፔቲ ማዲፖቲ ጌይኬ። ይያጉዳ ዓሶና ምላ ሙኡዚታፆ ሙይፖቲ።

12 ኪሪሰቶሴ ጉሙርቆሞ፡ ዙላ ዓኣ ዓሶ ዑፃ ምጋኒ ታኣም ኮይሳያቱሞሴ፤ ኪሪሰቶሴ ጉሙርቃ ዓሶይዳ ጋዓንቴ ዲንሢ ምጋኒ ዲንዳያቱሞይ?

5:6 ጋላ. 5:9። 5:7 ኬሲ. ማፃ 12:5። 5:8 ኬሲ. ማፃ 13:3፤ ላሚ. ምፃ 16:3።

13 ኪሪስቶስ ጉሙርቁዋ ዓሶይዳ ዋጋሢ ያኦሲኬ፤ ዓካሪ ማፃኦጋ ጋዓሢጉዲ «ፑርቶ ዓሢ ዒንሢ ባኣካፓ ሺኢሹዋቴ።»

6

ኪሪስቶስ ጉሙርቃ ዓሶኮ ሞኦቶ ዛላ

1 ዒንሢዳፓ ፔቴ ዓሲ ኪሪስቶስ ጉሙርቃያ ማዔ፥ ዒሻሢና ዋላ ፑርቴቴ ጌኤዘ ያኦሲ ዓሳ ዋጋንዳጉዲ ማሂያይዳፓ ዋጌና ዓይሢሳኒ ያኦሲ ዔሩዋ ዓሶና ዋጊሳኒ ዋይቲ ዓኣዳኒ ጫርቃይ?

2 ያኦሲ ዓሳ ዓጮይዳ ዋጋያታሢ ዒንሢ ዔሩዋዓዳ? ሂዳዖ ዓጮይዳ ዒንሢ ዋጋያታንቴ ዬያ ዳኮ ባኮ ዋጊያ ዒንሢ ባሺያ?

3 ያኦሲ ኪኢታንቸይዳታዖ ኑ ዋጋንዳሢ ዒንሢ ዔሩዋዓዳ? ሂዳዖ ሃያ ዓጮ ባኮይዳ ባሺና ዋይቲ ዋጋኒ ኑ ዳንዳዑዋይ?

4 ዓካሪ ዋሊና ዒንሢ ፑርቴቴ ኪሪስቶስ ጉሙርቃ ዓሶ ባኣካ ባኣ ዓሶና ዋጊሳኒዳ?

5 ዔዛታ! ዒንሢ ባኣኮይዳ ዓሲ ገኢጊሻኒ ዳንዳዓ፥ ዒናና ዓኣ፥ ጪሚባኣዓዳ? ቦርሶ ዒንሢም ማዖም፤

6 ዓካሪ ፔቴ ኪሪስቶስ ጉሙርቃ ዓሲ ባጋሢ ዋጌና ዓይሢሳኒ ያኦሲ ዔሩዋ ዓሶ ዋጎ ቤዘ ዓኣዳኒ ኮይሳ?

7 ጉቤና ዋላ ዒንሢኮ ሞኦቲንታ ዳውሲንቲኬ፤ ዬያይዳፓ ዒንሢም ፑርቴሶናኦታቴ ሃሃ ዒንሢ ጌሾናኦታቴ ኮሺቲዋዓዳ?

8 ዒንሢ ጋዓንቴ ዒንሢም ፑርቴሳኔ፤ ሃሃ ዒንሢ ጌሻኔ፤ ዬያጉዲ ዒንሢ ዒሾንሢንታ ሚሾንሢንታም ዒንሢ ዬያይዳኔ።

9 ፑርቶ ዓሳ ያኦሲ ካኦቲሞይዳ ጌሊንዳዋኣሢ ዒንሢ ዔሩዋዓዳ? ዬያ ባኮና ጌሺንቲፖቴ፤ ዓኒ ሃሃ ማቾ ማዒባኣ ዓሶና ላሃኒ ሱኡካዳ ዓሳ፥ ያኦሲፓ ሜሌ ካኣሻካ ዓሳ፥ ዓኒ ሃሃ ማቾ ማዒባኣ ዓሶና ላሃ ዓሳ፥ ዓቲንቁና ላሃ ዓቲንቁ፥

10 ዉሲ፥ ሚኢሹሮ ጎጋይቃ ዓሲ፥ ዑሽኪ ማሢንታ ዓሲ፥ ዓሲ ደንካ ዓሲ፥ ዓሲ ባኣዚ ቡራ ዓሲ ያኦሲ ካኦቲሞይዳ ጌላዓኬ።

11 ዒንሢዳፓ ፔቴ ፔቴዘንሢ ቤርታ ያዲኬ፤ ሃሢ ጋዓንቴ ጎዳ ዬሱስ ኪሪስቶስ ሰንዖና ኑ ጎዳሢ ዓያኖና ጎማፓ ዒንሢ ማሰቲ ጌኤሽኬኔ፤ ያኦሲም ዲማዴ ዳሬያ ዒንሢ ማዔኔ፤ ዒሊያ ዒሌኔ።

ዑያ ያኦሲ ቦንቾም ማሂሢ

12 ቢያ ባኣዚ ታ ማዳንዳጉዲ ዓይሢንቲያኬ፤ ጋዓንቴ ቢያ ባካ ታኣም ኮይሳያቴዋሴ፤ ቢያ ባኣዚ ታ ማዳንዳጉዲ ታኣም

ዓይሢንቴኔ፤ ዩይ ያዲ ማዔቴያ ዓይጎ ባአዚማአ ካራሚ ማዔ ታ ዋርቃዓኬ፤

13 ሙኡዚ ጎጂም፣ ጎጂ ሃሃ ሙኡዚምኬ፤ ያዲ ማዔቴያ ያኦሲ ሙዖንታ ጎጂንታ ባይዛንዳኔ። ኦኡኮ ዑፃ ጎዳም፣ ጎዳኣ ኦ ዑፃም ማዔሢረ ኦኡኮ ዑፃ ማቾ ሃሃ ዓኒ ማዔባኣያና ላሂሢም ማሃንዳያ ኮይሱዋሴ።

14 ያኦሲ ጎዳ ዩሱሴ ሃይባፓ ዔቁሴኔ፤ ሃሃ ኦናኣ ፔ ዋልቆና ሃይባፓ ዔቁሳንዳኔ።

15 ዒንሢኮ ዑፃ ኪሪሰቶሴ ዑፃይዳፓ ፔቴ ቤሲ ማዔሢ ዒንሢ ዔሩዋዓዳ? ዓካሪ ኪሪሰቶሴ ዑፃ ማዔሢ ዔኪ ዓኒ ማዔባኣ ዓሶና ላሃ ላኣሎ ዑፃና ዋላ ፔቴ ማሃንዳያ ታኣም ኮይሳ? ፔቴታዖ ዩይ ኮይሱዋሴ!

16 ዓኒ ማዔባኣ ዓሶና ላሃ ላኣሎና ላሃ ዓሲ ዒዛና ዋላ ፔቴ ማዔሢ ዒንሢ ዔሩዋዓዳ? ዋይቲ ጌዔቴ፡- «ለምዖንሢ ፔቴ ማዔኔ» ጌይንቲ ፃኣፒንቴሢሮኬ።

17 ጎዳና ዋላ ፔቴ ማዓ ዓሳ ጋዓንቴ ዒዛና ዋላ ዓያናና ፔቴ ማዔኔ።

18 ዬያሮ ማቾ ሃሃ ዓኒ ማዔባኣያና ላሂፖቴ፤ ዓሲ ማዳ ሜሌ ጎሜ ቢያ ፔ ዑፃኮ ዙላ ማዳያኬ፤ ማቾ ሃሃ ዓኒ ማዔባኣያና ላሃ ዓሲ ጋዓንቴ ፔ ዑፃይዳ ጎሜ ማዳኔ።

19 ያኦሲዳፓ ዒንሢ ዔኬ፣ ዒንሢኮ ጋሮይዳ ናንጋ ዓያኖ ጌኤኮኮ ዒንሢ ዑፃ ማኣሮ ማዔያታሢ ዒንሢ ዔሩዋዓዳ? ዒንሢ ያኦሲሮ ማዓንዳኣፓዓቴም ዒንሢሮቱዋሴ።

20 ዋይቲ ጌዔቴ ዒዚ ዒንሢ ሻንቁ ዔኬያኬ፤ ዬያሮ ዒንሢኮ ዑፃና ያኦሲ ቦንቹዋቴ።

7

ዔፒ ዛላ ያኦጨንቴ ያኦጨሢ

1 ዒንሢታና ፃኣፒ ያኦጨ ዓኦጨ ዛሎኮ፡- ዓሲ ላኣሊ ዔኪባኣቴ ኮሺኬ ታ ጋዓኔ።

2 ጋዓንቴ ማቾ ሃሃ ዓኒ ማዔባኣያና ላሂ ጎሜ ማዳዋጉዲ ፔቴ ፔቴ ዓቲንቆኮ ማቻ ዓኣያ፤ ሃሃ ፔቴ ፔቴ ላኣሎኮ ዓኒ ዓኣያ ማዖንጎ።

3 ዓኒ ፔ ማቾም ፔና ዒንጋኒ ኮይሳኔ፤ ዬያጉዲ ማቻኣ ፔ ዓኒም ፔና ዒንጋኒ ኮይሳኔ።

4 ማቾኮ ዑፃ ዒዛሮ ሌሊቱዋንቴ ዓኒንታ ዋላሮኬ፤ ዬያጉዲ ሃሃ ዓኒ ዑፃ ዒዛሮ ሌሊቱዋንቴ ማቾንታ ዋላሮኬ።

6:12 1ቆር. 10:23። 6:16 ማዢ. ማፃ 2:24። 6:19 1ቆር. 3:16፤ 2ቆር. 6:16።

5 የኦሲ ሸኢቃኒ ለምንህ ዋላ ገኢጊ ደካ ዋደም ማዕንዳኢገዓቲም ደማዲ ዋርቁባኣያታቲ ቃራኬ፤ ዒንህ ዒንህ ካገኒ ዳንደዑዋያ ማዕም ፃላሄ ዒንህ ጌሹዋጉዲ ዋላ ማዑዋቲ።

6 ዬያ ታ ዒንህም ጋዒህ ዘርጉዲ ማዕንዳኢገዓቲም ዓይሥህ ማሂቱዋሴ።

7 ዓሲ ቢያታጉዲ ላኣሊ ዔኩዋየ ናንጌቲ ቃራኬ ታ ጋዒ፤ ጋዒጌ ፔቲ ፔቲህም የኦሲ ደማ ደማ ዒንገህ ዒንጌ፤ ፔቲህም ፔቲ ባኣዚ፣ ባጋህም ሜሌ ባኣዚ ዒንገጌ።

8 ሎይባኣ ዓሰንታ ዔኪባኣ ዓሰንታም፤ ገንህ ሃሃ ዓኒንህ ሃይቁ ላኣሎንታም ታ ሂዚ ጋዒ። ዔያታ ሎውዋየ ሃሃ ዔኩዋየ ታጉዲ ናንጌቲ ዔያቶም ቃራኬ።

9 ጋዒጌ ዔያታ ፔና ዳንደዒ ካገኒ ባሸጌጌቲ ሌዎንጎ፣ ዔኮንጎ፤ ዓይጎር ጌዔቲ ዔኪህና ሎዒህና ዘላ ማሊ ሜታዲህደገ ዔኪያና ሎይያና ኮሺኬ።

10 ዔኬዘንህና ሎዔዘንህናም ታ ሂዚ ጋዒ። ሃይ ጎዳ ጋዒያ ማዕንዳኢገዓቲም ታ ጋዒቱዋሴ። ሎዔ ላኣሊ ፔኤኮ ዓኒዳገ ደማደገ፤

11 ዓኒገ ደማዲ ዒዛ ኬሰኬቲ ሎውዋየ ፔኤር ናንጎንጎ፤ ዔይዔ ጌዔቲ ዓኒና ቡኮንጎ፤ ዬያጉዲ ዓኒያ ፔ ማሻ ዓንጅገ።

12 ሃንጎዋቶም ጎዳ ጋዒያቱዋንቲ ታ ሂዚ ጋዒ። ፔቲ ኪሪሰቶሴ ጉሙርቃ ዓሲኮ ኪሪሰቶሴ ጉሙርቁዋ ላኣሊ ዓኣያታየ ዒዘና ዋላ ናንጋኒ ኮዔቲ ዒዘ ዒ ዓንጅገ።

13 ሃሃ ኪሪሰቶሴ ጉሙርቃ ላኣሊኮ ኪሪሰቶሴ ጉሙርቁዋ ዓኒ ዓኣያ ማዒ፣ ዒዘና ዋላ ናንጋኒ ኮዔቲ ዒዘ ዒዘገ ዓንጅጎቶገ።

14 ዓይጎር ጌዔቲ ኪሪሰቶሴ ጉሙርቁዋያ ማዔ ዓናህ ኪሪሰቶሴ ጉሙርቃ ዒዘኮ ማሻ ዘሎና የኦሲ ዓሲ ማዓሂሮኬ፤ ኪሪሰቶሴ ጉሙርቁዋያ ማዔ ላኣሌላኣ ኪሪሰቶሴ ጉሙርቃ ዓኒ ዘሎና የኦሲ ዓሲ ማዒ፤ ያዲ ማዒባኣቶ ናኣታ ዒንህኮ የኦሲ ዓሲ ማዒ ዳንደዑዋሴ፤ ዬያይዲ ዒንህ ናንጌቲ ናኣታ ዒንህኮ የኦሲ ዓሲኬ።

15 ኪሪሰቶሴ ጉሙርቁዋያ ማዔ ዓሰማ ደማዳኒ ኮዔቲ ደማደንጎ፤ ዬካገ ኪሪሰቶሴ ጉሙርቃያ ማዔ ዓኒታቲያ ማሻ ፔቲ ማሃ ዋጋ ዓርቃኒ ዳንደዑዋሴ። ዓይጎር ጌዔቲ የኦሲ ኑና ዔኤሌህ ኮሹዋና ኑ ናንጋንዳጉዲታሂሮኬ።

7:11 ማቲ. 5:32፤ 19:9፤ ማር. 10:11-12፤ ሉቃ. 16:18።

16 ዔና፡ ኪሪሰቶሴ ጉሙርቃዜሌ ኪሪሰቶሴ ጉሙርቁዋ ዓኒ ኔኤኮ ኔ ዳቁሻንዳያ ናንዳኔ ኔ ዔራ? ኔኤኒ ኪሪሰቶሴ ጉሙርቃሃ ኪሪሰቶሴ ጉሙርቁዋ ኔኤኮ ማቾ ኔ ዳቁሻንዳያ ናንዳኔ ኔ ዔራ?

17 ፔቴ ፔቴሢ ያኦሲ ዒዛም ጌዔ ጎይያ ሃሣ ያኦሲ ዒዛ ዔኤላኣና ዓኣ ጎይያ ናንጎንጎ። ኪሪሰቶሴ ጉሙርቃ ሺኢጲያ ማኣሮ ዓሰም ቢያ ታ ዒንጌ ዋጋ ዬያከ።

18 ያናታቴያ ዓቲንቶ ቤርቶ ቲቁንቴያታ? ዔኤሊንቴያ ማዔቴ ቲቁንቲባኣሢ ማዓኒ ማሎፓ፤ ዓቲንቶ ቤርቶ ቲቁንቲባኣ? ዔኤሊንቴያ ማዔቴ «ቲቁንታኒ ኮይሳኔ» ጌይሳ ባኣዚ ባኣሴ።

19 ዓቲንቲ ቤርቲ ቲቁንቲሢ ማዔቴያ ቲቁንቲዋ ሃሺፃ ማኣዳ ባኣዚ ባኣሴ፤ ባሽ ኮይሳሢ ያኦሲ ዓይሢያ ኩንሥሢከ።

20 ዬያሮ ፔቴ ፔቴ ዓሳ ያኦሲ ዒዛ ዔኤላኣና ዓኣ ጎይያ ማ ናንጎንጎ።

21 ያኦሲ ኔና ዔኤላኣና ኔ ዓሲኮ ዓይሌዳ? ያዲ ኔ ማዔቴያ ዔኤቢባኣሴ፤ ማሊ ሜታዲፖ፤ ዓይሉማፓ ከሰካኒ ካራ ኔኤም ጴዳቴ ከዘ ሃሺፖ።

22 ዓይጎሮ ጌዔቴ ዓሲኮ ዓይሌ ማዒ ዓኣንቴ ጎዳ ዔኤሌ ዓሲ ጎዳና ዓይሉማፓ ከሰከኔ፤ ዬያጉዲ ዓይሌቲዋያታ? ዔኤሊንቴ ዓሲ ኪሪሰቶሴኮ ዓይሌከ።

23 ያኦሲ ዒንሢ ሻንቁ ዔኤሢሮ ዓሲኮ ዓይሌ ማዒፖቴ።

24 ዬያሮ ታ ዒሾንሃ ታ ሚሾንሃ! ፔቴ ፔቴ ዓሳ ዔኤሊንታማና ዓኣ ጎይያ ያኦሲና ዋላ ናንጎንጎ።

ዔኪባኣያ ሃሣ ሎዒባኣ ዓሰና ዓኒንሢ ሃይቁ ላኣሎና ዘላ

25 ዔኪባኣያ ሃሣ ሎዒባኣ ዓሰ ዘሎ ጎዳፓ ታ ዔኬ ዓይሥሢባኣሴ፤ ጋዓንቴ ጎዳኮ ማኣሪፃፓ ዔቁያና ጉሙርቁንቴ ዓሲ ማዒ ሃካፓ ሊካ ታ ማሊያ ታ ከኤዘኔ፤

26 ሃሢ ኑ ዓኣ ዋዳ ሜቶ ዋዴታሢሮ ዓሲ ዓኣማ ጎይያ ናንጌቴ ቃራከ።

27 ጋዓንቴ ላኣሊ ኔ ዔኬያ ማዔቴ ዓንጂኒ ኮይፖ፤ ላኣሊ ኔ ዔኪባኣያ ማዔቴ ዔካኒ ኮይፖ።

28 ኔኤኒ ላኣሊ ዔኬቴ ጎሜ ማዴኔ ጌይሢቲዋሴ፤ ሃሣ ፔቴ ዉዲሮ ናይ ሎዔቴ ጎሜ ዒዛ ማዴኔ ጌይሢቲዋሴ፤ ማዔቴያ ዔካ ዓሰና ሎዒ ዓሰና ሃያ ዓጮይዳ ሚርጌ ናንጌ ሜታ ሄላኔ፤ ታኣኒ ዒንሢ ዬይ ሄሉዋጉዲ ኮዓኔ።

29 ታ ዒሾንሃ! ታ ሚሾንሃ! ታ ዒንሢም ሃዚ ጋዓኔ፡- ዋዳ ጋፒ ጋፒከ፤ ሃካፓ ሴካ ላኣሊ ዓኣሢያ ዔኪባኣያጉዲ ማዒ ናንጎንጎ።

30 ያምሢ ያዩዋአሢጉዲ፣ ዋዛዳሢ ዋዛዳዋአሢጉዲ ማዒ ናንጎንጎ፤ ዔኤቢ ቫንቃሢ ዒ ቫንቄ ባካ ዒዛሮኬ ጌይ ማሎፓ።

31 ሃያ ሳይይዳ ዓአ ቆሎና ማአዲንታሢ ጉቤ ማአዲንቱዋያ ማዒ ናንጎንጎ፤ ዓይጎሮ ጌዔቲ ሃያ ዓጮ ባካ ለአሚንታንዳሢሮኬ።

32 ዬያሮ ዓይጎ ማሊሢና ዒንሢ ሜታዲዋያ ናንጎንጎዳጉዲ ታ ኮዓኔ፤ ለአሊ ዔኪባአ ዓሲ ጎዳ ዋዛሳንዳ ባአዚ ኮዓሢሮ ጎዳ ዋዛሳ ባአዚ ማላኔ።

33 ለአሊ ዔኬ ዓሲ ጋዓንቲ ማላሢ ሃያ ዓጮ ባአዚና ፔ ማቾ ዋዛሳንዳ ባአዚኬ።

34 ዬያሮ ማሊፃ ዒዛኮ ለምዎ ፓቂንታኔ ጌይሢኬ። ዬያጉዲ ሎዒባአ ለአሊታቲያ ዉዱሮ ናይ ፔኤኮ ዓሽኮና ሺምፓሢና ያኦሲም ዲማዴያ ማዒኒ ኮዓሢሮ ማሊፃ ዒዛኮ ጎዳም ኮይሳ ማዶይዳኬ። ሎዔ ለአሌላ ጋዓንቲ ፔኤኮ ዓኒ ዋዛሳኒ ኮዓሢሮ ዒዛ ማላሢ ሃያ ዓጮ ባአዚኬ።

35 ዬያ ታ ጋዓሢ ዒንሢም ኮይሳ ባኮ ማሊሢና ማዓንዳኦፓዓቲም ዒንሢም ዔቦ ዴኤፃሳኒቱዋሴ፤ ታአኮ ማሊፃ ዒንሢ ኮይሳ ጎይሢ ናንጎንጎዳጉዲና ማሊፃ ዒንሢኮ ዣአሉዋንቲ ጉቤ ዒናና ማዒ ጎዳም ማዳንዳጉዲ ጌይኬ።

36 ፔቲ ዓሲ ፔቲ ዉዱሮ ናሽኪ ዋላ ዓማላያታዎ ዬኖ ዔካኒ ማሊባአንቲ፣ ዬኖ ዉዱሬሎኮ ሎዎንዳ ዋዳ ዓአዲያ ማዔቲ ሃሣ ዒ ዔኪያ ማሊፃ ገባኒ ዳንዳዒባአያታቲ ጎሜ ባአሴ ዔዔኮንጎ።

37 ጋዓንቲ ዔካኒ ዒዛ ሜታሳ ባአዚ ባአቲ፣ ዔኩዋያ ዴዓኒ ዳንዳዓያታቲ ሃሣ ዬይ ጎኔ ዒናፓ ማዔያታቲ ዔኪባአቲ ኮሺኬ።

38 ዬያሮ ያኦጮዛ ዔኬሢ ኮሺ ማዶኔ፤ ዔኩዋያ ሃሺሢያ ባሺ ኮሺ ማዶኔ።

39 ፔቲ ለአሊ ዓኒ ሺምፔና ዓአና ዔፒ ዛላ ዋጌና ቱኡቲያኬ፤ ዓኒ ሃይቄቲ ጋዓንቲ ሜሌ ኮዔ ዓሲም ዒዛ ሎዓኒ ዳንዳዓኔ፤ ዒዛ ሎዓንዳ ዓሢ ኪሪሰቶሴ ጉሙርቃያ ማዓኒ ኮይሳኔ።

40 ታ ማሊያና ታ ጋዓሢ ሎውዋያ ፔኤሮ ዒዛ ናንጌቲ ባሺ ዒዛ ዋዛና ናንጎንጎዳኔ፤ ታና ያኦሲ ዓያና ዬያ ጌይሳያ ማላኔ።

8

ሜሌ ካአሺም ሹኪንቲ ዓሽኪ ዛላ

1 ሜሌ ያኦዞም ሹኪንቲ ቆልሞ ዓሽኮ ዛሎ ሂዚ ታ ጋዓኔ፡- ቢያሢኮ ኦኡኮ ዔራቶ ዓአኔ። ዔራቶ ዓሲ ያዎቶርሳኔ፤ ናሹሞ ጋዓንቲ ዓሲ ኮኮሻኔ።

2 «ታ ዔራኔ» ጋዓ ዓሲ ኮይሳሢጉዴያ ሃጊ ዔሪባአያኬ።

3 የኦሲናሽካ ዓሲ ጋዓንቴ የኦሲና ዔርቴያ ማዓኔ።

4 ዓካሪ ሜሌ የኦዞም ሹኪንቴ ዓሽኪ ዛላ ታ ጋዓሢ ሜሌ የኦዞ ሃያ ዓጮይዳ ዓይጎቸቸቀኣሢ ኑ ዔራኔ፤ ዬያጉዲ ፔቴ የኦዞሢዳፓ ዓታዞ ሜሌ የኦሲ ባኣሢያ ኑ ዔራኔ።

5 ሚርጌ የኦሲ ጌይንታ ባኣዚና ጎዳቲ ጌይንታይ ዓኣኔ፤ ጋዓንቴ ጫሪንጫ ማዔቴያ ሳዖይዳ የኦሲ ጌይንታ ካኣሽኮ ባኣዚ ዓኣቴያ።

6 ኑኡኮ ጋዓንቴ ቢያ ባኣዚ ዒዛይዳፓ ማዢንቴያ፣ ኑኡኒያ ዒዛም ማዢንቴያ ፔቴ የኦሲ ማዔ ዓዴ ዓኣኔ፤ ዬያጉዲ ሃሃ ቢያ ባኣዚ ዒዛ ዛሎና ማዢንቴያ ኑኡኒያ ዒዛ ዛሎና ማዢንቴያ፣ ፔቴ ጎዳ ዬሱሱ ኪሪሰቶሴ ኑኡኮ ዓኣኔ።

7 ጋዓንቴ ዬያ ቢያሢ ዔሩቀሴ፤ ፔቴ ፔቴዞንሢ ሃሢ ሄላንዳኣና ሜሌ የኦዞ ካኣሽኪሢ ዔሪሢሪ ዬያጉዴ ዓሽኮ ዔያታ ሙዓሢ ሜሌ የኦዞም ሹኪንቴያ ማሂኬ፤ ዒና ዔያቶኮ ዔያቶ ዳቢንቴያኬ ጋዓሢሪ ዔያታ ዒኢታ።

8 ጋዓንቴ የኦሲና ኑኡና ዎላ ካንሣሢ ሙኡዚቴቀሴ፤ ኑ ሙዒባኣቴያ ፓጫንዳ ባኣዚ ባኣሴ፤ ኑ ሙዔቴያ ባሽ ዴንቃንዳ ባኣዚ ባኣሴ።

9 ዬይ ያዲ ማዔቴያ ዬይ ኮዔ ጎይዖ ማዲፃ፣ ኪሪሰቶሴ ጉሙርቂያና ደዲባኣ ዓሶ ዳቢሻያ ማዑቀጉዲ ዒንሢና ዔሩቀቴ።

10 ዓይጎር ጌዔቴ «ታ ዔራኔ» ጌዒ ሜሌ የኦዞም ሹኪንቴ ዓሽኮ ካኣዢ ማኣራ ኔ ዴዒ ሙዓንቴ ኪሪሰቶሴ ጉሙርቂ ደዲባኣ ዓሢ ኔና ዴንቁቴ ዬይ ማዲ ኔኡኮ ሜሌ የኦዞም ሹኪንቴ ዓሽኮ ሙዓንዳጉዲ ዓሢ ማሃያቸቀዓዳ?

11 ዬያር ኔኡኮ «ታ ዔራኔ» ጌይያና ኪሪሰቶሴ ዒዛ ጋይቴ ሃይቄሢና ጉሙርቂያና ደዲባኣሢ ባይቄኔ ጌይሢኬ።

12 ዬያይዲ ኪሪሰቶሴ ጉሙርቂ ዒንሢኮ ዒሽንሢንታ ሚሽንሢንታ ዳቢሻያና ሃሃ ዔያቶኮ ላቤ ዒና ባሽ ላቢሲያና ኪሪሰቶሴም ዎይዞ ዒፃያ ማዒ ዒንሢ ዳባኔ።

13 ዬያር ሙኡዚ ታኣኮ ኪሪሰቶሴ ጉሙርቂ ዒሻሢንታ ሚሽንታ ዳቢሻያ ማዔቴ፣ ታ ዒሻሢንታ ታ ሚሽንታ ዳቂሲይይዳፓ ፔቴታዖ ዓሽኪ ታ ሙዓዓ።

9

የኦሲ ማደም ዳኪንቴ ዓሲም ኮይሳ ባኣዚ

1 ታኣኒ ቢያ ባኣዚ ማዲኒ ዴንዳዓ ዓሲቸቀዓዳ? የኦሲ ማደማኣ ታ ዳኪንቴያቸቀዓዳ? ኑ ጎዳሢ ዬሱሴ ታ ዛጊባኣዓዳ? ጎዳ ዬሱሴም ታ ማዴ ማደኮ ዓኣፓ ዒንሢቸቀዓዳ?

2 ጎዳ ታና ያኦሲ ማድም ዳኬያ ማዕሚ ዔርዛ ማላታ ዒንሢ ማዕሚሮ ሃንጎታ ታና ያኦሲ ማድም ዳከንቴያኬ ጌይባኦቴያ ዒንሢም ጋዓንቴ ታ ጎኔና ያኦሲ ማድም ዳከንቴሢኤ።

3 ያኦሲ ማድም ዳከንቴያ ዛሎ ታና ደንካ ዓሶም ታ ሂዚ ጋዓኔ፦

4 ሙዖ ባኣዚና ዑሽኮ ባኣዚና ታኣም ኮይሱዋያዳ?

5 ያኦሲ ማድም ዳከንቴ ሜሌዘንሢና ጎዳ ዩሱሴኮ ጌርሲንሢና ጴዲሮሴንሢናጉዲ ኪሪሰቶሴ ጉሙርቃ ላኣሊ ዔኪ ዋላ ሃንታኒ ኮይሱዋኣሢ ታና ሌሊዳ?

6 ሃሃ ኑና ዋይሢ ማዲ ላቢ ናንጋኒ ኮይሳሢ ባርናባሴና ታኣና ሌሊዳ?

7 ዒንጎ ሚኢሼ ባኣንቴ ፔ ሚኢሼና ፖኦሊሴ ማዒ ማዳይ ያናዳይ? ሃሃ ዋይኖ ቱካዖ ዓኣፓ ካዩዛ ሙዑዋኣሢ ያናዳይ? ቆልሞ ሄንቃያታዖ ዲኢቆ ዑሽኩዋይ ያናዳይ?

8 ሃያ ታ ጋዓሢ ዓሲ ማሊሢና ሌሊዳ? ሙሴ ዔርዜ ዋጋ ሂዚ ጎሙዋዓዳ?

9 ዋጎይዳ፦ «ሃኣኮ ሺርካ ጌሜኮ ዳንጎ ቱኪፖ» ጌይንቴ ያኣፒንቴኔ። ሂዳዖ ያኦሲ ዬያ ጌዔሢ ጌማቶም ማሊዳ?

10 ዒዚ ዬያ ጌዔሢ ጎኔና ኑ ዛሎቱዋዓዳ? ጎኔኔ፣ ዬይ ያኣፒንቴሢ ኑ ዛላኬ፤ ዓይጎር ጌዔቴ ጎሽካሢ ሃሃ ሃኣኮ ሺርካሢ ሃኣኮይዳፓ ዒዛም ሄላንዳያ ዓኣሢ ዔሪ፣ ሃጊ ማዓንዳ ዋዛ ጌሃሢርኤ።

11 ኑኡኒ ዒንሢም ዓያና ባኣዚ ዜርቃዖ ዒንሢዳፓ ዓሲ ዒንጋ ባኣዚ ዳንቄቴ ዬይ ዳኤፒ ባኣዚዳ?

12 ሃንጎታ ዬያ ባኮ ዒንሢዳፓ ዳንቃያ ማዔቴ ዓካሪ ኑኡኒ ዬያፓ ባሼ ዳንቃኒ ኮይሱዋዓዳ?

ኑኡኒ ጋዓንቴ ዬያይዲባኣሴ፤ ኑኡኒ ዬያ ሃሼሢ፣ ኪሪሰቶሴ ኮዥ ሃይሶ ማዳኮ ዲቆ ማዑዋጉዲ ቢያ ባኣዚ ገቢ ኑ ዳንዳዖም ጌይኬ።

13 ጌኤዥ ማኣርይዳ ማዳ ዓሳ ሙዖ ዒኢካፓ ዳንቃሢንታ ሹጮና ማዥና፣ ያኦሲም ዒንጎ ቤዘይዳ ማዳ ዓሳኣ ዒንጎ ባኮይዳፓ ዔኪ ሙዓሢ ዒንሢ ዔራቆዓዳ?

14 ዬያጉዲ ኮዥ ሃይሶ ኬኤዛ ዓሳ ዔያታ ሙዓንዳ ባኮ ዬኖ ማዳ ማዳይዳፓ ዳንቃንዳጉዲ ጎዳ ዓይሢኔ።

15 ታኣኒ ጋዓንቴ ዬያ ታኣም ኮይሳ ባኮይዳፓ ፔቴታዖ ዔኪባኣሴ፤ ዬይ ታኣም ሃሢ ያዲ ማዓንዳጉዲ ጌይቱዋሴ ሃያ ታ ዒንሢም ያኣፓሢ፤ ታ ጫርቄ ጌሰቴ ባኮ ጉሪ ማሃያይዳፓ ታ ሃሃይቄቴ ቃራኬ።

9:9 ላሚ. ዋማ 25:4፤ 19ሞ. 5:18። 9:11 ሮሜ 15:27። 9:13 ላሚ. ዋማ 18:1። 9:14 ማቴ. 10:10፤ ሉቃ. 10:7።

16 ኮዥ ሃይሶ ኬኤዚያ ታኣም ዓይሢንቴ ዓይሥሢ ማዔሢሮ ታና ሄርሺንቴሳ ባኣዚቱቀሴ፤ ታኣኒ ኮዥ ሃይሶ ኬኤዚባኣያ ማዔቴ ታና ባዴዔ።

17 ኮዥ ሃይሶ ቃኣሎ ናሽኪ ታ ኬኤዚያ ማዔቴ ላቢያ ዛሎ ታኣም ዒንጊንታንዳ ባኣዚ ዓኣኔ፤ ዓይሥሢና ታ ኬኤዚያ ማዔቴ «ማዴ» ጌይ ዓይሢንቴሢ ኩንሣያፓዓቴም ሜሌ ባኣዚ ታ ማዴኔ ጌይሢቱቀሴ።

18 ሂዳዎ ታኣኮ ላቢያም ዒንጊንታ ባኣ ዓይጌንዴዳይ? ዓኣሪ ታኣም ዒንጊንታ ባኣ ኮዥ ሃይሶ ታ ኬኤዛኣና ታኣም ኮይሳ ባኮ ዔኩቀዎ፣ ዔኤቢ ባኣያ ማዲሢኬ።

19 ታኣኒ ዓይሳ ዓሲኮቀ ካራሚቱቀሴ፤ ማዔቴያ ታኣም ዳንዳዒንቴ ጎይዎና ሚርጌሢ ጳቂሻኒ ጌዒ ቢያሢኮ ታ ካራሚ ማዔቴ።

20 ዓይሁዴ ዓሶ ታ ጳቂሻኒ ዓይሁዴ ዓሶና ዓይሁዴ ዓሲ ታ ማዔቴ፤ ዋዚ ሙሴ ዔርዜ ዋጎም ታ ዓይሢንቴቀያ ማዔቴያ ሙሴ ዔርዜ ዋጎም ዓይሢንታ ዓሶ ጳቂሻኒ ጌዒ ዔያቶጉዲ ታ ማዔቴ።

21 ዋዚ ታኣኒ ያኣሲ ዋጋፓ ኬሰኪባኣያ ሃሃ ኪሪሰቶሴ ዋጎማኣ ዓይሢንታያታዎ ዋጋባኣ፣ ዓይሁዴቱቀ ዓሶ ጳቂሻኒ ዔያቶጉዲ ታ ማዔቴ።

22 ኪሪሰቶሴ ጉሙርቂያና ላቤዘንሢ ጳቂሻኒ ታ ዔያቶጉዲ ማዔቴ፤ ዳንዳዒንቴ ጎይዎና ፔቴ ፔቴዘንሢ ጳቂሻኒ ቢያሢና ዋላ ቢያ ባኣዚ ታ ማዔቴ።

23 ዴያ ታ ቢያ ማዴሢ ኮዥ ሃይሶኮ ዓንጆ ዴንቃኒ ኮዥ ሃይሶ ዛሎሮኬ።

24 ጳዥ ሄሌላሢዳ ቢያሢ ጳሽካዎ ዔያቶይዳፓ ፔቴማ ሌሊ ቢሬሢ ዛሎ ዒንጎ ባኮ ዔካሢሢ ዒንሢሢ ዔሩቀዓዳ? ዴያሮ ዒንሢያ ባሺ ዔኮ ባኮ ዴንቃኒ ጳሽኩቀቴ።

25 ሄሌሎ ጳሽካ ዓሲ ጳዥኮ ቤርታ ሚርጌና ላቢ ጳሽኪ ጳሽኪ ዔራኔ፤ ዔያታ ዴያይዲ ላባሢ፡- ባይቃ ባኣዚና ጳካ ዋዴሮ ማዓ ቦንቾ ባኮ ዔካኒኬ፤ ኦኣኒ ጋዓንቴ ላቢንታሢ ባይቁቀያና ናንጌና ናንጋያ ማዔ፣ ቦንቾ ባኮ ዴንቃኒኬ።

26 ታኣኒ ጋዓንቴ ሄሎንዶ ቤሲ ባኣንቴ ጉሪ ጳሽካ ዓሲጉዲቱቀሴ፤ ሃሃ ዠባሬ ዲላ ዓሶጉዲ ጉሪ ታ ላባያቱቀሴ፤

27 ዴያሮ ሜሌ ዓሶም ኬኤዚያ ታኣሮ ታ ጉሪ ዓቱቀጉዲ ታ ዑፃ ፑርታ ባኣዚ ማዳንዲያይዳፓ ዋልቄና ቃዚ ቃዚ ታኣም ዓይሢንታጉዲ ታ ማሃኔ።

10

ዲስራዔኤሌ ዓሶ ሄሌ ማታሢ ኮኦኪንሦ

1 ታ ዲሾንሦ! ታ ሚሾንሦ! ኑ ዓድንሢኮ ሻኦራ ዑፃ ሺቤም ዔያታ ዓኣጳሢና ዘቄ ባዘና ዔያታ ፒንቄሢ ታ ዲንሢም ጳቄሢኪ ኮዓኔ።

2 ዔያታ ሙሴና ዋላ ፔቴ ማዓኒ ዬያ ሻኦሮና ባዘ ዋኦያናይዳ ማሰቴኔ። *

3 ዔያታ ቢያሢ ፔቴ ዓያና ሙኡዚ ሙዔኔ።

4 ቢያሢ ሃሣ ፔቴ ዓያና ዑሽ ዑሽኬኔ፤ ዬይ ዔያታ ዑሽኬሢ ዔያቶና ዋላ ዓኣጳ ዓያና ላላሢዳፓኬ፤ ዬይ ላላሢ ፔ ቶኦኪና ኪሪሰቶሴኬ።

5 ያዲ ማዔቴያ ያኦሲ ዔያቶኮ ሚርጌሢና ዋዛዲ ባኣሢሮ ሌዛ ዔያቶኮ ዓሲ ናንጉዋ ዳውሎይዳ ኬኤሪንጉጉ ዓቴኔ።

6 ዔያታ ፑርታ ባኣዚ ሱኡካጳሢጉዲ ኦኡኒያ ፑርታ ባኣዚ ሱኡካጳጉዲ ዬይ ኦም «ዲንሢና ዔሩዋቴ» ጋዓ ላቴሢ ኮኦኪንሢ ማዔኔ።

7 «ዓሳ ሙዒ፥ ዑሽካኒ ዴዔኔ፤ ኮርጋኒያ ዔቄኔ †» ጌይንቴ ፃኦፒንቴሢጉዲ ሃሣ ዔያታ ማሌ ካኦሽኮ ባኣዚ ካኦሽኬ ጎይያ ዲንሢያ ዔያቶጉዲ ማሌ ካኦሽኮ ባኣዚ ካኦሽኪፖቴ።

8 ዔያቶይዳፓ ፔቴ ፔቴ ዓሳ ማኛ ሃሣ ዓኒ ማዒባኦያና ላሢ፥ ጎሜ ማጳሢጉዲ ኦኡኒያ ዓኒ ሃሣ ማኛ ማዒባኦያና ላሢጳቴ ኮሺኬ፤ ዓይጎሮ ጌዔቴ ዔያታ ዬያ ማጳሢሮ ዔያቶይዳፓ ላማታሚ ሃይሦ ሺያ ዓሲ ፔቴ ኬሊና ሃይቄኔ።

9 ሃሣ ዔያቶኮ ፔቴ ፔቴ ዓሳ ጎዳ ‡ «ዒ ዋይታቴያ ኑ ዛጎም» ጌዒ ሾኦኦና ጳይንቴ ሃይቄሢጉዲ ኦኡኒያ ያዲ ማዲባኦቴ ኮሺኬ።

10 ዔያቶይዳፓ ፔቴ ፔቴ ዓሳ ዶንኪ፥ ጉንዲሜም ያኦሲ ዳኬ ዋጳ ኪኢታንቻሢ ዔያቶ ዋዲ ባይዜሢጉዲ ዲንሢያ ያዲ ማዒባኦቴ ቃራኬ።

10:1 ኬሲ. ማፃ 13:21-22፤ 14:22-29። * 10:2 ሙሴና ዋላ ፔቴ ማዓኒ ማሰቴኔ፡- ጌይያ ሙሴ ዔያቶ ዓውሱሢና ዔኪ ዓኣጳሢያ ማሂ ዔያቶኮ ጉሙርቄያ ጳዋያኬ።

10:3 ኬሲ. ማፃ 16:35። 10:4 ኬሲ. ማፃ 17:6፤ ፓይ. ማፃ 25:1-18። 10:5 ፓይ. ማፃ 14:29-30። 10:6 ፓይ. ማፃ 11:4። † 10:7 ኮርጋኒያ ዔቄኔ ጋዓዛ ጌሪኮ ሙኡጮ ማፃኦፓይዳ «ዓማላኒ ዔቄኔ» ጋዓኔ፤ ዬይ ዓይጎዳይ ጌዔቴ ዓሳ ሙይ ዑሽኬሰካፓ ማሌ ካኦሽ ካኦሽኬሢና ማኛ ሃሣ ዓኒ ማዒባኦያና ላሢሢ ጳዋኔ። 10:7 ኬሲ. ማፃ 32:6። 10:8 ፓይ. ማፃ 25:1-18። ‡ 10:9 ጎዳ፡- ጋዓዛ ፔቴ ፔቴ ማፃኦፓ «ኪሪሰቶሴ» ጋዓኔ። 10:9 ፓይ. ማፃ 21:5-6። 10:10 ፓይ. ማፃ 16:41-49።

11 ዬይ ቢያ ባካ ዔያቶ ሄሌሢ ኑም ኮኦኪንሢ ማዓንዳጉዲኬ፤ ሃሣ ፃኣፒንቴሢያ ወደኮ ጋፒንያይዳ ዓኣ፥ ኑም «ዒንሢን ዔሩዋቴ» ጋዓ ላቲሢምኬ።

12 ዬያሮ «ጉሙርቂዖና ታ ዶዲ ዓኣኔ» ጋዓሢ ሎኦሙዋጉዲ ፔና ኮሺ ዔሮንጎ።

13 ዓሲ ሜሌይዳ ሄሊባኣ፥ ያኦሲ ዛጋኒ ዳካ ሜታ ዒንሢ ሄሊባኣሴ፤ ያኦሲ ጉሙርቂንታያታሢሮ ዒንሢ ዳንዳዓንዳሢኮ ዑሣ ዓኣጳ ዒንሢ ሜታዳንዳጉዲ ዒ ኮዑዋሴ፤ ዒንሢም ሜታሢ ዒንጊ ዒንሢ ዛጎ ወደና ዳንዳዓንዳጉዲ ዋልቁ ዒንጊ፥ ዒንሢ ኬሰካንዳ ጎይሢያ ዒንሢም ዒ ጊኢጊሻኔ።

14 ዓካሪ ዒጊኖንሢሦቴ! ሜሌ ካኣሸኮ ባኮ ካኣሸኪፖቴ።

15 ዬያ ታ ዒንሢም ጋዓሢ ዒንሢ ዔራ ዓሲ ማዔሢሮኬ፤ ሂንዳ ታ ኬኤዛ ባኮ ዒንሢ ዒንሢሮ ዋጉዋቴ።

16 ያኦሲ ሸኢቁ ኑኡኒ ዑሸካ ባካ ከሪሰቶሴ ሱጉዖና ፔቴሞ ዓኣያቱዋዓዳ? ሃሣ ኑኡኒ ዋላ ዔካ ካፃ ከሪሰቶሴና ዋላ ፔቴቱዋዓዳ?

17 ኑ ሙዓሢ ፔቴ ካሣ ሌሊታሢሮ ዋዚ ኑ ሚርጌታቴያ ፔቴ ዑሢኬ።

18 ሂንዳ ዒሲራዔኤሌ ዴራ ማጳ ባኮ ማሉዋቴ፤ ያኦሲም ዒንጎና ባኮ ሙዓዞንሢሢና ሹጮና ኮሸና ዒንጎ ቤዞናኮ ፔቴሞ ባኣዓዳ?

19 ሂዳዖ ሜሌ ካኣሸኮ ባኮም ሹኪንቴ ቆልሞ ዓሸኮና ሃሣ ካኣሸኮ ባካኣ ዔኤቢኬ ታ ጋዓኔ ጌይሢዳ?

20 ያዲቱዋሴ፤ ያኦሲ ዔሩዋ ዓሳ ቆልሞ ሹካሢ ያኦሲምቱዋንቴ ፑርቶ ዓያኖምኬ፤ ዬያሮ ዒንሢ ፑርቶ ዓያኖና ዋላ ፔቴ ማዓንዳጉዲ ታ ኮዑዋሴ።

21 ጎዳ ባኮ ዑሸኪ ዑሸኪ ሃሣ ፑርቶ ዓያኖ ባኮዋ ዒንሢ ዑሸካኒ ዳንዳዑዋሴ፤ ዬያጉዲ ሃሣ ጎዳ ባኮ ሙዒ ሙዒ ፑርቶ ዓያኖ ባኮዋ ዒንሢ ሙዒኒ ዳንዳዑዋሴ።

22 ዓካሪ ኑኡኒ ጎዳ ባኮ ሃሺያና ዒዛ ዳጋሶንዳ? ኑ ዒዛይዳፓ ባሺ ዶዲኬ ጌይሢዳ?

23 «ቢያ ባኣዚ ማዳንዳጉዲ ዓይሢንቴያኬ» ጋዓንቴ ቢያ ባካ ማኣዳያቱዋሴ፤ «ቢያ ባካ ማዳንዳጉዲ ዓይሢንቴያኬ» ጋዓንቴ ቢያ ባካ ኮሻያቱዋሴ።

10:16 ማቴ. 26:26-28፤ ማር. 14:22-24፤ ሉቃ. 22:19-20። 10:18 ሉቂ. ዓኬ 7:6። 10:20 ላሚ. ዋማ 32:17። 10:22 ላሚ. ዋማ 32:21። 10:23 1ቆር. 6:12።

24 ፔቴ ፔቴሢ ሚሌሢም ማዓ ባኮዋ ማላንዳኣፓዓቴም ፔኤም ማዓ ባኣዚ ሌሊ ዛጎፓ።

25 ዒኔና ማሊ ሂርጉዋዎ፣ ቦኦካይዳ ሻንቲንጎታ ዓሽኮ ዙቲ ጋዓዩ ሙዑዋቴ፤

26 ዓይጎሮ ጌዔቴ፡- «ሳዖና ጋሮይዳ ዓኣ ባካ ቢያ ጎዳሮኬ» ጌይንቲ ፃኣፒንቴኔ።

27 ኪሪሰቶሴ ጉሙርቁዋ ዓሲ ሙኡዚ ሙዖም ዒንሢ ዔኤሌያ ማዔም ዒንሢ ዓኣዳኒ ኮዔቴ ዒኔና ማሊ ሂርጉዋዎ ዙቲ ጌይ ዒንሢም ዒንገንቲ ዓይጎ ሙኡዚታቴያ ቢያ ሙዑዋቴ።

28 ጋዓንቴ ፔቴ ዓሲ፡- «ሃይ ዓሽካ ሚሌ ካኣሽኮ ባኣዚም ሹኪንቴያኬ» ዒንሢም ጌዔቴ፣ ዬያ ኬኤዜ ዓሢንጎታ ዒኔ ቆይ ማላ ማሊያንታሮ ጌዒፓፓ ዬያ ሙዒፖቴ።

29 ማሊያ ታ ጌዔሢ ዓሢ ማሊያሮ ጌይሢ ማዓንዳኣፓዓቴም ዒንሢሲቱዋሴ፤ ዓካሪ ሚሌ ዓሲ ማሊሢ ዛላ ጌዒ ዋይቲ ታና ላኣገንታይ?

30 ታኣኒ ያኦሲ ጋላቲ ጋላቲ ሙዔቴ ያኦሲ ታ ጋላቲ ሙዔ ባኮና ዋይቲ ታ «ዳቤኔ» ጌይንታይ?

31 ዓካሪ ሙዓቶዎ፣ ዑሽካቶዎ ዓይጎ ባኣዚያ ማዳቴ ቢያ ባኣዚ ያኦሲ ቦንቾም ማዲዋቴ።

32 ዓይሁዶ ዓሶም ማዔቴያ ዓይሁዶ ማዒባኣ፣ ጌሪኮ ዓሶም ሃሃ ኪሪሰቶሴ ጉሙርቁ ዓሶማኣ ዲቆ ማዒፖቴ።

33 ታኣኒ ቢያሢ ዲቃንዳጉዲ ሚሌ ዓሶም ኮይሳ ባኮ ማዓንዳኣፓዓቴም ታኣም ኮይሳ ባኮ ኮውዋዎ ቢያ ዓሲ፣ ቢያ ባኣዚና ታ ዋዛሳሢጉዲ ዒንሢያ ዬያይዲዋቴ።

11

1 ታኣኒ ኪሪሰቶሴ ማዴ ጎይያ ማዳሢጉዲ ዒንሢያ ታ ማዳ ጎይያማ ማዲዋቴ።

ዳምቤና ያኦሲ ካኣሽኪሢ ዛላ

2 ታ ማዴ ባኮና ታ ዒንሢ ዔርዜ ባኮና ዶዲሺ ዓርቁ ዒንሢ ጸቁሃሢሮ ታ ዒንሢ ጋላታኔ።

3 ጋዓንቴ ዓቲንቁኮ ቢያ ዑፃ ቢታንቶ ዓኣሢ ኪሪሰቶሴ ማዔሢ፣ ላኣሊ ዑፃ ቢታንቶ ዓኣሢ ዓቲንቁ ማዔሢ፤ ሃሃ ኪሪሰቶሴ ዑያይዳኣ ቢታንቶ ዓኣሢ ያኦሲ ማዔሢ ዒንሢ ዔራንዳጉዲ ታ ኮዓኔ።

10:26 ዓይኑ. 24:1። 11:1 1ቆር. 4:16፤ ፒልጲ. 3:17።

4 ቶኦኪ ካንቂ ያኦሲ ሺኢቃያና ያኦሲ ማሊሢ ከኤዛ ዓቲንቄ ቢያ ዒዛኮ ቶኦካሢ ማዔ ኪሪሰቶሴ ቦሂሳኔ፤

5 ዬያጉዲ ቶኦኮ ፔኤኮ ያሹዋየ ሺኢቃያ፡ ሃሣ ያኦሲ ማሊሢ ከኤዛ ለአሌላኣ ዒዛኮ ቶኦካሢ ማዔ ዓቲንቃሢ ቦሂሳኔ፤ ዋይቲ ጌዔቴ ፔ ቶኦኮ ያሹዋ ለአሌላ ጉኡሊንቴያጉዲ ማዓሢሮኬ።

6 ለአሊ ፔ ቶኦኮ ያሹዋያ ማዔቴ ቶኦኮ ፔኤኮ ታይዘንጎ፤ ጋዓንቴ ቶኦኮ ታይዘያንታ ጉኡሊያንታ ቦርሳያ ዒዛም ማዔቴ ቶኦኮ ያሹንጎ።

7 ዓቲንቄ ያኦሲ ማሎና ሃሣ ያኦሲ ቦንቾም ማዓያ ማዔሢሮ ፔኤኮ ቶኦኮ ካንቃንዲያ ኮይሱዋሴ፤ ለአሊ ጋዓንቴ ዓቲንቄኮ ቦንቾ ማዓያኬ።

8 ዋይቲ ጌዔቴ ለአሊ ዓቲንቄይዳፓ ማዢንቴያፓዓቴም ዓቲንቄ ለአሊፓ ማዢንቴባኣሢሮኬ።

9 ሃሣ ለአሊ ዓቲንቄም ማዢንቴያፓዓቴም ዓቲንቄ ለአሊም ማዢንቴባኣሴ።

10 ዬያ ዛሎንታሮ ሃሣ ያኦሲ ከኢታንቻኣ ዒዛ ዛጋሢሮ ጌዒ ለአሊ ዓቲንቄ ቢታንቶ ዴማ ማዔሢ ዔርዛኒ ቶኦኮ ፔኤኮ ያሹንታንዲያ ኮይሳኔ።

11 ጎዳ ማሊያና ለአሊ ዓቲንቄ ባኣያ፡ ዓቲንቄ ለአሊ ባኣያ ማዐ-ዋያኬ።

12 ዓይጎሮ ጌዔቴ ለአሊ ዓቲንቄይዳፓ ማዢንቴሢጉዲ ዓቲንቄያ ለአሊዳፓ ሾይንታሢሮኬ፤ ጋዓንቴ ዓቲንቄ ማዔቴያ ለአሊ፡ ሃሣ ቢያ ባኣዚያ ጴዳሢ ያኦሲዳፓኬ።

13 ሂንዳ ዒንሢሮ ዋጉዋቴ፤ ለአሊ ፔኤኮ ቶኦኮ ያሹዋየ ያኦሲ ሺኢቄፃ ቃራዳ?

14 ዓቲንቄ ሃሣ ፔኤኮ ቶኦኮ ዲቼቴ ገኢጉዋያታሢ ያኦሲ ቢያ ባኮ ናንጎም ጌዔ ጎይፃፓ ዒንሢም ዔርቱዋዓዳ?

15 ለአሊ ጋዓንቴ ጋፓና ዒዛም ዒንገንቴሢ ቶኦኮ ዒዛ ያሻንዳጉዲ ማዔሢሮ ጋፓኖ ፔኤኮ ዒዛ ዲቼቴ ዒዛም ቦንቾኬ።

16 ዬያ ዛሎ ማርማኒ ኮዓ ዓሲ ዓኣቶ ኑኡኮ ማዔቴያ ማሌ ኪሪሰቶሴ ጉሙርቃ ዓሶኮ ዬያይዶ ዳምቤ ባኣሴ።

ጎዳ ማዳ
(ማቲ. 26:26-29፤ ማር. 14:22-25፤ ሉቃ. 22:14-20)

17 ዒንሢ ቡኪንታኣና ዒንሢ ማዳ ባካ ባባይዛ ባኣዚ ማዓንዳፓዓቴም ዒንሢ ፓሣ ባኣዚ ማዓባኣሢሮ ታ ዒንሢም ሃሢ ዓይሣ ዓይሢያና ዒንሢ ጋላታኒቱዋሴ።

11:7 ማዢ. ማፃ 1:26-27። 11:9 ማዢ. ማፃ 2:18-23።

18 ቢያገ ቤርታ ዲንሢ ፔቱሞ ቡኪንቶ ቡካኣና ባኣካ ዲንሢኪኮ ዲሙሞ ዓኣሢ ታ ዋይዜኔ፤ ታ ዋይዜ ባኮኮ ዛላ ጎኔ ማዓንዳኔ ታ ጋዓኔ።

19 ፒዜ ማዔዘንሢ ዋንሢ ማዔቴያ ዲማዲ ዔርታንዳጉዲ ዲንሢ ባኣካ ዲማዲ፣ ማዢንታንዳሢ ኮይሳያኩ።

20 ዲንሢ ቡኪንታ፣ ሙሞ ሙዓ ጎዳ ማዶ ካሦቱሞሴ።

21 ዋይቲ ጌዔቴ ዲንሢ ሙዓኣና ፔቴይ ባጋሢ ካፑሞ፣ ፔኤሮማ ሩኡሪ ሙዓኔ፤ ዩያይዲያና ፔቴይ ናይዲንታዛ ባጋሢ ማሢንታኔ።

22 ዔዛታ! ዲንሢ ሙዓያናኣ ዑሽካ ማኣሪ ዲንሢኮ ባኣዓዳ? ሃንጎታቴ ዲንሢ ኪሪሰቶሴ ጉሙርቃ ዓሶ ሶሃኔ ጌይሢዳ? ሃሃ ዓይጌያ ባኣ፣ ማታዳ ዓሶ ዲንሢ ቦርሲሳኔ ጌይሢዳ? ዓካሪ ታ ዲንሢ ዋዚ ጋዓንዳይ? ዩያ ባኮሮ ታ ዲንሢ ጋላቶንዶ? ፔቴታ፣ ታ ዲንሢ ጋላታዓኩ።

23 ታኣኒ ጎዳይዳገ ዔሪ፣ ዲንሢማኣ ታ ዔርዛሢ ሃያኩ፤ ጎዳ ዩሱሴ ዓርቂንቲ ዲንጊንቲ ዋንቴሎ ካሢ ዔኩ።

24 ዶኣሲ ሺኢቁሰካገገ ቡንፃ፡- «[ሃቦቴ ሙዑሞቴ፤] ሃይ ዲንሢ ዛሎ ዲንጊንታንዳሢ፣ ታናኩ፤ ሃያና ታና ጳቂሣያ ማሁሞቴ» ጌዔኔ።

25 ዩያጉዲ ካሦኮ ጊንፃ ዑሽኮ ባኮ ዔኩ፡- «ሃይ ዑዣ ታኣኮ ሱጉያና ማዓ ዓኮ ጫኣቃሢኩ፤ ዲንሢ ዑሽካኣና ቢያ ሃያና ታና ጳቂሣያ ማሁሞቴ» ጌዔኔ።

26 ዩያሮ ሃያ ካፃ ዲንሢ ሙዓኣና ዑዣሞ ዲንሢ ዑሽካኣና ቢያ ጎዳ ሙካንዳያ ሄላንዳኣና ዒዛኮ ሃይቦ ዛሎ ዲንሢ ኬኤዛንዳኔ።

27 ዶኣኒያ ዒዛሞ ኮይሱሞ ጎይሢና ሃያ ካሦ ሶሃ ሙዒ፣ ዑዣሞ ዑሽኩቴ ጎዳና ሱጉያናኮ ጋሌ ዓሲ ማዓንዳኔ።

28 ዩያሮ ዓይጎ ዓሲያ ማፃም ዩያ ካሦ ሙዒያና ዑዣሞ ዑሽኩያናኮ ቤርታ ፔና ዛጋንዳያ ኮይሳኔ።

29 ዓይጎ ዓሲያ ማፃም «ጎዳኩ» ጌዒ ሙፃ ካሢ ዓይጎታቴያ ዲማሲ ዔሩሞ፣ ጎዳ ማሊ ጳቂሶ ካፃ ሙዒ ዑዣሞ ዑሽኩቴ ፔ ቶኣካ ሜቶ ዔኪ ሙካኔ።

30 ዲንሢ ባኣካገ ሚርጌሢ ላቢንቲሢ፣ ሃርጌሢ ሃሃ ሃይቁሢያ ዩያ ዛሎናኩ።

31 ዋንዴ ኦና ኦ ዛጊ ዔሬያታቴ ያዲ ኦ ጊዳ ፑርታና ዋጊንቲንዳሞያታንቲኩ።

32 ጋዓንቲ ጊንፃገ ዓጮና ዋላ ኦ ፑርታና ዋጊንቲሞጉዲ ጎዳ ሃሢ ኦ ዔሮሞ ጌዒ ፑርታና ዋጋኔ።

11:25 ኬሲ. ማፃ 24:6-8፤ ዔር. 31:31-34።

33 ዬያሮ ታ ዲሾንሦ! ታ ሚሾንሦ! ጎዳ ማዶ ሙዖ ሙዓኒ ዲንሢ ቡካኣና ዋሊ ካቸዋቱ።

34 ዲንሢ ቡከንታኣና ዲንሢ ፑርታና ዋጊሳ ባኣዚ ማዑዋጉዲ ዲንሢ ባኣካ ናይጆ ዓሲ ዓኣቶ ፔኤኮ ማኣራ ሙዖንጎ። ዓቲ ባኮ ዲንሢ ኮራ ታ ሙካዖ ማዶንዶ ጎይዖ ኬኤዛንዳ።

12

ዓያና ጌኤሺ ዲንጋ ዲንጊሢ

1 ታ ዲሾንሦ! ታ ሚሾንሦ! ሃህ ዓያና ጌኤዛ ዲንጋ ዲንጊዖኮ ጎኑሞ ዲንሢ ዔራንዳጉዲ ታ ኮዓ።

2 ቤርታ ዲንሢ ያኦሲ ዓሲ ማዒባኣ ዎዶና ጌሰታኒ ዳንዳዑዋ ካኣሽኮ ባኮ ካኣሽካንዳጉዲ ሴካ ሃንጋ ዲሺንቲ ዲንሢ ዔኪ ዓኣዲንቲሢ ዲንሢ ዔራ።

3 ያኦኒያ ያኦሲ ዓያናና ኬኤዛዖ፡- «ዬሱሴ ጋዳንቁንቲያኬ!» ጋዓ ዓሲ ባኣሴ፤ ዬያጉዲ ሃህ ዓያና ጌኤሺና ማዒባኣዎ፡- «ዬሱሴ ጎዳኬ!» ጋዓ ዓሲ ባኣሢ ታ ዲንሢሞ ኬኤዛ።

4 ዲማ ዲማ ዓያና ጌኤሺ ዲንጋ ዲንጊሢ ዓኣኔ፤ ዓያና ጌኤሺ ጋዓንቲ ፔቲኬ።

5 ዲማ ዲማ ማዶ ዓኣኔ፤ ጎዳ ጋዓንቲ ፔቲኬ።

6 ዲማ ዲማ ማዶንታ ባኣዚ ዓኣኔ፤ ጋዓንቲ ቢያ ባኮ ቢያሢና ማዶሢ ፔቲ ያኣዛሢ።

7 ፔቲ ፔቲሢሞ ዓያና ጌኤዛ ፔጋሲ ዳዋ ባኮ ዳዋሢ ቢያሢ ማኣዳንዳጉዲ ኬ።

8 ፔቲሢሞ ጨንጨ ጌሰታንዳጉዲ ዓያኖ ጌኤዛ ዛሎና ዲንጊንታኔ፤ ባጋሢሞ ሃህ ዬኖ ዓያኖ ዛሎና ዔራቶና ጌሰታንዳጉዲ ዲንጊንታኔ።

9 ፔቲሢሞ ሃህ ዬኖ ዓያኖ ዛሎና ያኦሲ ጉሙርቁሢ ዲንጊሢ ዲንጊንታኔ፤ ባጋሢሞ ጊንሢ ሃርጌፓ ዓሲ ፓሥሢ ዲንጊሢ ዲንጊንታኔ፤

10 ዬያጉዲ ሃህ ዓቲሢሞ ያኦሲ ዎልቁና ማዶንታ ዓኪ ባኣዚ ማዶንዳ ዎልቁ ዲንጊንታኔ፤ ባጋሢሞ ጊንሢ ያኦሲ ማሊሢ ኬኤዚሢ ዲንጊሢ ዲንጊንታኔ፤ ማሊሢሞ ሃህ ዲንጊንታ ዲንጊዖ ዓያና ጌኤሺፓታቲያ ፑርታ ዓያናፓታቲያ ዲማሲ ዔራንዳ ዲንጊሢ ዲንጊንታኔ፤ ዬያጉዲ ፔቲሢሞ ዓኪ ሙኡቲኛና ጌሰታንዳጉዲ ዲንጊሢ ዲንጊንታኔ፤ ማሊሢሞ ጊንሢ ዬያ ዓኮ ሙኡጮና ጌሰቲንቲ ባኮ ቡላንዳ ዲንጊሢ ዲንጊንታኔ፤

11 ዩይ ያዲ ማዕቲያ ዩይ ቢያ ማዳሢ ዩይ ፔቲ ዓያኖ ጌኤዠኬ፤
ዓያና ጌኤሺ ኮዔሢ ጎይያ ፔቲ ፔቲሢም ዲማ ዲማ ዒንጊሢ ዒንጋኔ።

ፔቲ ዑሢኮ ዲማ ዲማ ቤሲ

12 ፔቲ ዑሢኮ ዲማ ዲማ ቤሲ ዓኣኔ፤ ዑዖኮ ሚርጌ ቤሲ
ዓኣያታቲያ ዩይ ሚርጌ ቤዛ ዩኖ ፔቲ ዑዖይዳኬ። ዩያጉዲ
ከሪሰቶሴ ሚርጌ ቤሲ ዓኣ ፔቲ ዑሢጉዲኬ።

13 ዋይቲ ጌዔቲ ዓይሁዳታቲያ ዓይሁዳ ማዒባኣ ገሪኬ ዓሳ፣
ዓይሌታቲያ ዓይሌ ማዒባኣ ዓሳ ፔቲ ዑሢ ማዒኒ ዓያኖ ጌኤዠና
ኑ ማሰቲኔ፤ ሃሣ ቢያሢ ዩይ ፔቲ ዓያናሢ ኑ ዑሸካንዳጉዲ ኑም
ዒንጊንቲኔ።

14 ፔቲ ዑሢ ማዠንቲሢ ሚርጌ ዲማ ዲማ ቤሲና
ማዓንዳኣገዓቲም ፔቲ ቤሲናቱዋሴ።

15 ዩይሮ ቶኪ፡- «ታኣኒ ኩቸቱዋኣሢር ዑሢኮ ፔቲ ቤሲቱዋሴ»
ጌዔቲ ያዲ ጌይያና ዑሢኮ ፔቲ ቤሲ ማዒፃ ዓታንዳ?

16 ዋይዚያ፡- «ታኣኒ ዓኣፒቱዋኣሢር ዑሢኮ ፔቲ ቤሲቱዋሴ»
ጌዔቲ ዓኣሪ ዩይ ጌይያና ዑዖኮ ፔቲ ቤዛ ማዒፃ ዓታንዳ?

17 ሂንዳ ዑሢ ቢያ ዓኣፒ ሌሊ ማዔቲ ዔኤቢ ዋይዛ ባኣዚ
ዓንካገ ጴዳንዳያናንዳይ! ሃሣ ዑሢ ቢያ ዋይዚ ሌሊ ማዔቲ
ዔኤቢ ዳሂ ዔራ ባኣዚ ዓንካገ ጴዳንዳያናንዳይ!

18 ሃሢ ጋዓንቲ ያኦሲ ኮዔሢ ጎይያ ዑዖኮ ፔቲ ፔቲ ቤዛ ዑዖይዳ
ኮይሳ ቤዛ ቤዛ ማዓንዳጉዲ ጌሢኔ።

19 ዑሢ ማዠንቲሢ ፔቲ ቤሲና ሌሊ ማዔቲ ኩሙሢ ዑሢ
ጌይንታሢ ዓንካገ ጴዳንዳያናንዳይ?

20 ዓኣሪ ዑሢኮ ዲማ ዲማ ቤሲ ዓኣያ ማዔቲያ ዑሢ ፔቲ
ሌሊኬ።

21 ዓኣፒ ኩቸ ኮራ፡- «ኔኤኒ ታኣም ኮይሱዋሴ» ጋዒ
ዳንዳዑዋሴ፤ ቶኪኪያ ቶኪ ኮራ፡- «ኔ ታኣም ኮይሱዋሴ» ጋዒ
ዳንዳዑዋሴ፤

22 ጎኔ «ፓሠዋያኬ» ጌይንታ ቤዛታዖ ሚርጌና ኑም ኮይሳያኬ።

23 «ዳካኬ» ኑ ጋዓ ኑ ዑዖ ቤዛ ባሼ ኑ ቦንቻኔ፤ ሃሣ ኑና ቦርሲሳያ
ማዓ ቤዛዋ ሚርጌና ኑ ሂርጊ ካፓኔ።

24 ቦንቸንታ ዑዖም ጋዓንቲ ዩይ ቢያ ኮይሱዋሴ። ቦርሲሳያ ማዒ
ጴዳ ቤዛ ባሼ ቦንቸንቲ ዓርቂንታንዳጉዲ ዑዖኮ ፔቲ ቤሲ ማሂ
ያኦሲ ማዠኬ።

12:11 ሮሜ 12:6-8። 12:12 ሮሜ 12:4-5።

25 ዬያ ዒ ማደህ ፔቴ ዑዎኮ ዲማ ዲማ ቤዛ ዲማዲቦ፣ ምሊም ማላንዲጉዲ ጌይኬ።

26 ዑሢኮ ፔቴ ቤሲ ሜታዳኣና ዓቴ ዑዎኮ ቤዛ ቢያ ምላ ሜታዳኔ፤ ሃሃ ፔቴ ቤሲ ቦንቸንታኣና ምላ ቢያህ ቦንቸንታኔ።

27 ዬያጉዲ ዓካሪ ዒንህ ኪሪሰቶሴ ዑዎኬ፤ ዒንህ፡ ፔቴ ፔቴህ ዒዛ ዑዎኮ ዲማ ዲማ ቤዛኬ።

28 ዬያሮ ያኦሲ ፔቴ ፔቴ ዓሶ ሺኢዲያ ማኣሮይዳ ዲማ ዲማ ማደ ዓኣያ ማዓንዲጉዲ ማሄኔ፤ ዬያ ጎይዎና ፔቴ ጋዓዖ ያኦሲ ማደም ደኪንቴዘንህ፡ ለምዓሳዖ ያኦሲ ማሊህ ኬኤዘዘንህ፡ ሃይህሳዖ ዔርዘዘንህ ማሃ ዓሶ ደኦሬኔ። ዬያጉዲ ሃሃ ያኦሲ ምልቁና ማደንታ ዓኪ ባኣዚ ማዳዘንህ፡ ሃርጌ ዓሶ ፖዒሳ ዒንገህ ዓኣዘንህ፡ ዓሲ ማኣዲህ ዒንገህ ዓኣዘንህ፡ ዓሲ ምይሥህ ዒንገህ ዓኣዘንህና ዓኪ ሙኡቸና ጌሰቲህ ዒንገህ ዓኣዘንህ ጌህኔ።

29 ዬያሮ ቢያህ ያኦሲ ማደም ደኪንቴያቱዋሴ፤ ቢያህ ሃሃ ያኦሲ ማሊህ ኬኤዘያቱዋሴ፤ ቢያህ ዓሲ ዔርዘያቱዋሴ፤ ቢያህ ያኦሲ ምልቁና ማደንታ ዓኪ ባኣዚ ማዳያቱዋሴ፤

30 ቢያህኮ ሃርጌ ዓሲ ፓህ ዒንገህ ዓኣያቱዋሴ፤ ቢያህ ዓኪ ሙኡቸና ጌሰታኒ ደንደዑዋሴ፤ ቢያህ ሃሃ ዓኮ ሙኡጮና ጌሰቶናህ ቡላኒ ደንደዑዋሴ።

31 ጋዓንቴ ቢያህፓ ባሼ ማዔ ዒንገይ ደንቃኒ ኮዑዋቴ።
ዓካሪ ታ ዒንህ ቢያፓ ባሼ ማዔ ጎይህ ዲቦንዳኔ።

13

ናሹሞ ዛላ

1 ዓሲ ጌሰታ ሙኡቸታቴያ ሃሃ ያኦሲ ኪኢታንቻ ጌሰታ ሙኡቸያ ጌሰቲ ታ ዔሬንቴ ናሹሞ ታኣኮ ባኣያታቴ ያኦላ ሉኡሊና ሂቸናጉዲ ታ ማዔኔ ጌይህኬ።

2 ያኦሲ ማሊህ ኬኤዘህ ዒንገህ ታኣኮ ዓኣቶ ሃሃ ዓኣሺንቴ ባኣዚ ቢያ ታ ዔሬያ ማዔቴያ፡ ዬያጉዲ ቢያ ባኣዚ ታ ዔሬቴያ ሃሃ ዲኮ ፔቴ ቤሰካፓ ሺኢሻንዳ ያኦሲ ጉሙርቂህ ታኣኮ ዓኣቴያ ናሹሞ ባኣያታቴ ዬይ ታኣኮ ጉሪኬ።

3 ታኣኮ ዓኣ ባኮ ቢያ ማንቆ ዓሶም ታ ዒንጋያ ማዔቴያ፡ ታ ዑዎታዖ ታ ማዲ ሚጫንዲጉዲ ታ ማሃያ ማዔቴያ ናሹሞ ታኣኮ ባኣቴ ዓይጎ ስታና ዬይ ማኣዳዓኬ።

12:28 ዓፕ. 4:11። 13:2 ማቲ. 17:20፤ 21:21፤ ማር. 11:23።

4 ናሹም ጊቢ ዳንዳዒሳያኬ፤ ሃሣ ኮሺ ባአዚ ማዲሻኔ፥ ቁኢሪሱዋሴ፥ ሄርሺንቲሱዋሴ፥ የቶርሱዋሴ፤

5 ኮይሱዋያ ባአዚ ማዲሹዋሴ፥ ፔ ባአዚ ሌሊ ኮይሱሱዋሴ፥ ደጋሱዋሴ፥ ዳቦናቴያ ዳቢንቶ ዓርቂሱዋሴ።

6 ናሹም ዓአ ዓሲ ጎኔ ማዔ ባአዚና ዎዛዳአፓዓቴም ፑርታ ባአዚና ዎዛዳዋሴ፤

7 ቢያ ባአዚ ጊቢ ዳንዳዒሳኔ፤ ቢያ ባአዚና ያኦሲ ጉሙርቂሳኔ፤ ቢያ ባአዚዳ ሃጊ ማዓንዳ ዎዛ ጌሣሳኔ፤ ቢያ ባአዚያ ዶዲ ዓአሣሳኔ።

8 ናሹም ዓአ ዓሲ ቢያ ዎዴ ናናንጋኔ፥ ባይቁዋሴ፤ ያኦሲ ማለሣ ኬኤዚሣሣ ዒንጊሣ ማዔቴያ ዳካ ዎዴሮ ማዔሣሮ ባባይቃኔ፤ ዓኪ ሙኡቸና ጌሰቲሣ ማዔቴያ ዳካ ዎዴሮታሣሮ ዓታኔ፤ ዔራቶ ማዔቴያ ባይቃኔ።

9 ዎይቲ ጌዔቴ ኩኡኒ ዔራ ባኮ ማዔቴያ ያኦሲ ማለያ ኬኤዚሣሣታቴያ ዛላ ኑ ዔሪ ኬኤዚያ ማዔሣሮኬ።

10 ጋዓንቴ ጉቤ ማዔ ባካ ሙካዛ ዛላ ማዔ ባካ ዓታንዳኔ።

11 ናይ ታ ዓአ ዎዶና ናይጉዲ ታ ጌሰታኔ፥ ማለኔ፤ ሃሣ ቢያ ባኮ ታ ዛጋኔ። ዶዲ ዓሲ ታ ማዓየ ጋዓንቴ ናኦቱም ማለያ ታ ሃሽኔ።

12 ሃሣ ኩኡኒ ለማለኤሽና ዛጎሣጉዲ ለም ለም ጌዔ ባአዚ ዛጋኔ፤ ዬሮና ጋዓንቴ ኩ ጌኤሽ ዛጋንዳኔ። ሃሣ ታ ዔራሣ ዔቦኮ ዛላኬ፤ ዬሮና ጋዓንቴ ያኦሲ ታና ዔራ ጎይያጉዴያ ኩሙሣ ዔራቶ ዓአያ ታ ማዓንዳኔ።

13 ዓካሪ ጉሙርቂሣና ሃጊ ማዓንዳ ዎዛና ናሹምና፥ ዬንሣ ሃይሣንሣ ባይቁዋያ ማዔ ናንጋንዳኔ፤ ዬንሣ ባኮይዳፓ ባሽዛ ናሹምኬ።

14

ያኦሲ ማለሣ ኬኤዚሣና ዓኪ ሙኡቸ ጌሰቲሣና ዛላ

1 ናሹም ዓይሣ ጎይያማ ማዲዎቲ፤ ሃሣ ዓያኖ ጌኤዦ ዒንጊያ ባሽና ያኦሲ ማለሣ ኬኤዚሣ ሚርጌና ኮዑዎቲ።

2 ዓኪ ሙኡቸና ኬኤዚሣ ያኦሲም ኬኤዛኔ፥ ዓሲም ኬኤዙዋሴ፤ ዎይቲ ጌዔቴ ዓአሺንቴ ባአዚ ዓያና ጌኤሽ ዎልቁና ኬኤዛያ ማዔሣሮ ዒ ኬኤዛ ባኮ ዔራ ዓሲ ባአሴ።

3 ያኦሲ ማለሣ ኬኤዚሣ ጋዓንቴ ዓሶ ኮሻኒና ዙራኒ ሃሣ ዶዲሻኒ ዓሲም ኬኤዛኔ።

4 ዓኪ ሙኡቸና ጌሰታሣ ፔና ሌሊ ኮሻኔ፤ ያኦሲ ማለሣ ኬኤዚሣ ጋዓንቴ ኪሪሰቶሴ ጉሙርቃ ዓሶ ቢያ ዶዲሺ ማካኔ።

5 ዲንሢ ሲያሢ ዓኪ ሙኡቸና ጌስታቱ ቃራታንቴ፣ ባሼ ታናሽካሢ ጾኦሲ ማላሢ ዲንሢ ኬኤዛቶኬ፤ ዓይጎር ጌዔቴ ኪሪስቶሴ ጉሙርቃ ዓሳ ሲያ ደዲሺ ማዢንታንዳጉዲ ዓኮ ሙኡጮና ጌስቲንቴሢ ቡላይ ባኣያ ማዔቴ ዓኪ ሙኡቸና ጌስታ ዓሲዳፓ ጾኦሲ ማላሢ ኬኤዛሢ ባሼኬ።

6 ዓካሪ ታ ዲሾንሦ! ታ ሚሾንሦ! ታ ዲንሢ ኮራ ሙካዖ ዓኪ ሙኡቸና ጌስቲቴ ዓይጎ ዲንሢ ታ ማኣዳንዳይ? ዩያይዳፓ ዲንሢ ማኣዳንዳሢ ጾኦሲ ኮ ዓኣሺንቴ ባኮ ፔጋሲ ኬኤዜቴ፣ ዔራቶና ጌስቲቴ፣ ጾኦሲ ማላሢ ኬኤዜቴ፤ ሃሃ ዲንሢ ዔርዞንዶ ባኣዚ ዔርዜቴኬ።

7 ሹሉንጎና ጎኦላናጉዴ፣ ሺምፓባኣ ኮጾም ማዓ ባኮኮታጾ ዲማ ዲማ ዋርቁንታ ዑኡሲ ባኣያ ማዔቴ ዔያታ ጾኦላዛ ዓይጎ ማዔቴያ ዋዲ ዔርታኒ ዳንዳዓይ?

8 ጾልዚም ዋርቁንታ ዛያሢ ዔርቱዋ ጎይሢ ዋርቁንቴቴ ጾልዚም ጾኦኒ ጊኢጊንታንዳይ?

9 ዩያጉዲ ዲንሢ ዔርታ ሙኡቸና ኬኤዚባኣቶ ዲንሢ ኬኤዛ ባኮ ጾኦኒ ዔራኒ ዳንዳዓንዳይ? ከባሬይዳ፣ ጉሪ ዲንሢ ኬኤዛያ ማዓንዳኔ።

10 ዓጮይዳ ሲያ ሚርጌ ሙኡቸ ዓኣኔ፤ ጋዓንቴ ሲያሢኮ ፔ ጌስታ ጎይሢ ዓኣያኬ።

11 ዓካሪ ጌስቲንቴ ሙኡጮ ዋዚ ጋዓቴያ ታ ዔሩዋያ ማዔቴ ዩያ ዓሢም ታ ዓኪ ማዓንዳኔ፤ ዒዚያ ታኣም ዓኪ ማዓኔ።

12 ዲንሢያ ዓያኖ ጌኤዦኮ ዲንጊጾ ሚርጌና ኮዓሢር ባሼ ዲንሢ ኮዓንዳያ ኮይሳሢ ኪሪስቶሴ ጉሙርቃ ዓሶ ደዲሺ ማዦ ዲንጊጾ ዲንሢም ሚርጋንዳጉዲኬ።

13 ዩያር ዓኪ ሙኡቸና ጌስታ ዓሲ ጌስቲንቴ ባኮ ቡሊ ኬኤዛኒ ዳንዳዒሢ ዒዛኮ ዓኣያ ማዓንዳጉዲ ሺኢቆንጎ።

14 ዓኪ ሙኡቸና ታ ሺኢቃ ዋዶና ዓያና ታኣኮ ሺኢቃኔ፤ ታኣኒ ጋዓንቴ ዔሬ ባኣዚ ባኣያ ማዒ ዓታኔ።

15 ዩያር ታ ዋዳንዳያ ኮይሳይ ጌዔቴ ዓያናና ታ ሺኢቃንዳኔ፤ ሃሃ ጊንሣ ታ ዒኖናኣ ሺኢቃንዳኔ፤ ዓያናናኣ ታ ጾኦሲም ዓይናዳንዳኔ፤ ታ ዒኖናኣ ጾኦሲም ታ ዓይናዳንዳኔ።

16 ያዲ ማዒባኣያታቴ ኔኤኒ ዓያኖና ሌሊ ጾኦሲ ጋላታኣና ኔ ጋዓ ባኮ ዔሩዋ ዓኪ ዓሲ «ዓኣሜን» ዋዲ ጋዓንዳይ?

17 ኔኤኒ ሺኢቃ ጋላቶ ሺኢጲጻ ሚርጌና ቃራ ማዓኒ ዳንዳዓኔ፤ ጋዓንቴ ሜሌ ዓሲ ዩይ ደዲሺ ማዦዋያ ማዓኔ።

18 ታኣኒ ዒንሢ ሲያሢዳፓ ባሼ ዓኪ ሙኡቸና ጌስታሢሮ ያኦሲ ታ ጋላታኔ።

19 ጋዓንቴ ዓኪ ሙኡቸና ማሌ ዓሶ ዔርዛኒ ሚርጌ ሺያና ፓይዲነታ ባኣዚ ኬኤዚሢዳፓ ኪሪስቶሴ ጉሙርቃ ዓሶ ባኣካ ደንጎ ባኣዚ ዔርታ ሙኡቸና ታ ዒናፓ ማሊ ታ ኬኤዜቴ ባሼኬ።

20 ታ ዒሾንሦ! ታ ሚሾንሦ! ቸርታ ባኣዚ ማዲሢሞ ናይ ማዑቀቴ፥ ዒንሢ ማላ ማሊያና ናይ ማዒፖቴ፤ ማላ ማሊያና ጋዓንቴ ዒናፎ፥ ደዲ ዓሲ ማዑቀቴ።

21 ዩይያ፡-

« ዓኪ ሙኡቸ ጌስታ ዓሶ ዛሎና
ሃሣ ማሌ ዓሲ ሙኡቸና ሃያ ዴሮም ታ ኬኤዛንዳኔ፤
ያዲ ማዔቴያ ዔያታ ታኣሲ ዋይዚንዲቀሴ» ጎዳ ጋዓኔ»
ጌይነቲ ፃኣፒንቴኔ።

22 ዩይሮ ዓኪ ሙኡቸና ጌስቲሢ ማላታ ማዓሢ ኪሪስቶሴ ጉሙርቁዋ ዓሶምኬ፥ ኪሪስቶሴ ጉሙርቃ ዓሶምቱቀሴ፤ ያኦሲ ማሊሢ ኬኤዚሢ ጋዓንቴ ማላታ ማዓሢ ኪሪስቶሴ ጉሙርቃ ዓሶምኬ፥ ጉሙርቁዋ ዓሶምቱቀሴ።

23 ዓካሪ ኪሪስቶሴ ጉሙርቃ ዓሳ ቡኪንቴ ዎዶና ሲያሢ ዓኪ ሙኡቸና ጌስታንቴ ዩይ ባካ ዔርቱቀያ ሃሣ ኪሪስቶሴ ጉሙርቁዋ ዓሲ ሙኪ ዩያ ጌስታ ዓሶ ዛጋዖ፡- «ሃይ ዓሳ ዠኣሽካኔ!» ጋኣዓዳ?

24 ጋዓንቴ ሲያሢ ያኦሲ ማሊሢ ኬኤዛያ ማዔም ዩያ ባኮ ዔራቀያ ሃሣ ኪሪስቶሴ ጉሙርቁዋ ዓሲ ሙኬቴ ኬኤዚነታ ባኮ ሲያ ዋይዛያ ዩያና ጫታንዳኔ፤ ዳቢንቶ ፔኤሲያ ዴንቂ ዔራንዳኔ።

25 ሃሣ ዒናኣ ዒዛኮ ዓኣሽንቴ ባካኣ ፔጋዳንዳኔ፤ ጊንሣ ሃሣ ዒ ባሊቶና ሳዓ ሎኦሚ፡- «ጎኔና ያኦሲ ዒንሢ ባኣካኬ!» ጌዒ ያኦሲ ካኣሽካንዳኔ።

ዳምቤና ያኦሲ ካኣሽኪሢ ዛላ

26 ታ ዒሾንሦ! ታ ሚሾንሦ! ዓካሪ ታ ሂዚ ጋዓኔ፡- ያኦሲ ካኣሽካኒ ዒንሢ ቡኪንታኣና ዒንሢዳፓ ፔቴ ፔቴሢኮ ያኦሲም ዓይናዲሢ ዒንጊሢ ዓኣኔ፥ ባጋሢኮ ዔርዚሢ ዒንጊሢ ዓኣኔ፥ ዓቴሢኮ ሃሣ ዓኣሽንቴ ባኮ ፔጋሲ ዔርዚሢ ዒንጊሢ ዓኣኔ፥ ማሌሢኮ ጊንሣ ዓኪ ሙኡቸና ጌስታንዳ ዒንጊሢ ዓኣኔ፥ ባጋሢም ዩያ ዓኮ ሙኡጮና ጌስቲንቴሢ ቡላንዳ ዒንጊሢ ዒንጊንቴያ ዓኣኔ። ዓካሪ ዩይ ሲያ ዒንጊያ ኪሪስቶሴ ጉሙርቃ ዓሶ ደዲሺ ማካያ ማዓኒ ኮይሳኔ።

14:21 ዒ.ሲ. 28:11-12።

27 ዓኪ ሙኡቺና ጌሰታይ ዓኣቶ ላምዎ፣ ሚርጌቴ ሃይሃ ማዒ ፔቴ ፔቴ ኬኤዘንጎ፤ ዔያታ ኬኤዘሢ ሜሌ ዓሲ ቡሎንጎ።

28 ጌይንቴ ባኮ ቡሊ ኬኤዘ ዓሲ ባኣያታቴ ጋዓንቴ ዓኮ ሙኡጮና ጌሰታ ዓሳ፣ ዓሶ ባኣካ ዚቲ ጌዒ፣ ጋርሲና ፔኤና ያኦሲናም ኬኤዘንጎ።

29 ያኦሲ ማሊያ ኬኤዘዘንሢ ላምዎ ሃንጎ ሃይሃ ማዒ ኬኤዘንጎ፤ ሃንጎዋታ ጋዓንቴ ኬኤዘንቴ ባኮ ዋይዚ ኮሺ ዲማሲ ዔሮንጎ።

30 ዒማና ቡኪንቴ ቤዛ ዴዔ ዓሶይዳፓ ፔቴ ዓሲም ያኦሲ ኬኤዘቶ ቤርታ ኬኤዘሢ ዚቲ ጎዎንጎ።

31 ፔቴ ፔቴሢ ዔራንዳጉዲና ደዳንዳጉዲ ዒንሢ ቢያሢ ፔቴ ፔቴ ዔቂ ዔቂ ያኦሲ ኪኣቶ ኬኤዘኒ ዳንዳዓኔ።

32 ያኦሲ ማሊያ ኬኤዘ ዓሶኮ ዓያና ያኦሲ ማሊያ ኬኤዘ ዓሶም ዓዓይሢንታኔ።

33 ጌሰቶ ጌኤዘኮ ዣሊ ኑ ቤሲ ባይዘንዳጉዲ ያኦሲ ኮዑዋሴ፤ ጋዓንቴ ቢያ ባካ ኮሹዋና ማዓንዳጉዲ ኮዓኔ።

ያኦሲ ዴሮ ባኣካ ቢያ ማዲንታሢጉዲ፡-

34 ላኣላ ቡኪንቴ ዓሶ ባኣካ ዚቲ ጎዎንጎ፤ ዓይጎሮ ጌዔቴ ሙሴ ዔርዜ ዋጋ ዓይሢ ጎይያ ዔያታ ዓዓይሢንታንዳፓ ዓቴም ኬኤዘንዳጉዲ ዔያቶም ዓይሢንቲባኣሴ።

35 ዔያታ ፔቴ ፔቴ ባኣዚ ዔራኒ ኮዔቴ ፔኤኮ ዓኒንሢ ማኣራ ዴንዳዎ ያኦጮንጎ፤ ዓይጎሮ ጌዔቴ ዓሳ ቡኪንቴ ቤዛ ላኣላ ኬኤዘኒ ጌኣጉዋያ፣ ቦርሲሳያታሢሮኬ።

36 ያኦሲ ቃኣላ ኬሰኬሢ ዒንሢ ኮራፓዳ? ሃሢ ያኦሲ ቃኣላ ሄሌሢያ ዒንሢም ሌሊዳ?

37 «ታኣኒ ያኦሲ ማሊሢ ኬኤዘያኬ፤ ሃሢ ታኣም ዓያና ዒንጌ ዒንጊሢ ዓኣኔ» ጋዓ ዓሲ ዓኣቶ ሃይ ታ ዒንሢም ፃኣፓሢ ጎዳ ዓይሥሢ ማዔሢ ዔሮንጎ።

38 ዬያ ዔራኒ ኮዑዋ ዓሲ ዓኣቶ ዒዚያ ዔርቶፓ።

39 ዬያሮ ታ ዒሾንሢ! ታ ሚሾንሢ! ያኦሲ ማሊሢ ኬኤዘኒ ሚርጌና ኮዑዋቴ፤ ዓኪ ሙኡቺና ጌሰቲያዋ ላኣጊፖቴ፤

40 ጋዓንቴ ቢያ ባካ ኮይሳ ጎይሢና ሃሢ ዳምቤና ማዎንጎ።

15

ኪሪሰቶሴኮ ሃይባፓ ዔቂያ

1 ታ ዒሾንሢ! ታ ሚሾንሢ! ታ ዒንሢም ኬኤዘ ኮዡ ሃይሶ ቃኣሎ ሃሢ ገንሢ ታ ዒንሢም ጳቂሢ ኮዓኔ፤ ዬይ ኮዡ ሃይሶ ቃኣላ ዒንሢ ዋይዚ ዔኬሢና ዬያና ደዲ ዒንሢ ዔቂ ዓኣሢኬ።

2 ታኣኒ ዒንሢሚም ኬኤዜ ኮዦ ሃይሶ ቃኣሎ ዶዲሺ ዒንሢሚ ዓርቁቴ ዬያ ኮዦ ሃይሶ ቃኣሎና ዒንሢሚ ዳቃንዳኔ፤ ያዲ ማዒባኣያታቴ ዒንሢሚኮ ዬይ ጉሙርቁፃ ጉሪኬ።

3 ታኣኒ ዋይዚ ዔኬሢሢና ቢያፓ ቤርታ ኮይሳያ ማዔ ባኮ ዒንሢሚም ታ ዔኪ ሄሊሴኔ፤ ዒንሢሚም ታ ሄሊሴ ባካ፡- ጌኤዦ ማፃኣፖይዳ ፃኣፒንቴሢ ጎይፆ ኪሪሰቶሴ ኦኤኮ ጎሞ ዛሎሮ ሃይቁኔ፤

4 ዱኡቴኔ፤ ሃይሢሳ ኬሎና ሃይባፓ ዔቁኔ ጋዓያኬ።

5 ዬካፓ ኬፓም፡ ሄሊሳፆ ታጳ ላምፆ ዳኪንቴዞንሢሚም፡

6 ሃሣ ጊንሃ ደንጎ ጭታፓ ሀሣ ማዓ ዒዛኮ ጊንፆ ሃንታዞንሢሚም ፔቴና ጴዳኔ፤ ዬያቶይዳፓ ባሼሢ ሸምፔና ዓኣኔ፤ ፔቴ ፔቴዞንሢሚ ጋዓንቴ ሃይቁኔ።

7 ዬካፓ ሃሣ ያይቆኣቤም፡ ሄሊሳፆ ያኦሲ ማዶም ዳኪንቴዞንሢሚም ቢያ ጴዳኔ፤

8 ቢያሢኮ ጋፒንፆይዳ ዳውቴ ኬሊዳ ሸይንቴያጉዲ ማዔሢ፡ ታኣም ጴዳኔ።

9 ታኣኒ ያኦሲ ማዶም ዳኪንቴዞንሢሚዳፓ ቢያ ላኣፓ፡ ያኦሲ ማዶም ዳኪንቴሢሚ ጌይንቴ ዔኤሊንታኒያ ታኣም ኮይሱዋያኬ፤ ዓይጎሮ ጌዔቴ ታኣኒ ኪሪሰቶሴ ጉሙርቁ ዓሶ ዒፂ ዳውሴያታሢሚሮኬ።

10 ጋዓንቴ ያኦሲኮ ኮሹማፓ ዔቁያና ታ ሃሢ ዓኣ ጎይፆ ዓኣያ ማዔኔ፤ ያኦሲ ፔ ኮሹሞና ታኣም ዒንጌ ባካ ጉሪ ዓቲባኣሴ፤ ሀሣ ዓኣዳ፡ ሃንጎዋቶይዳፓ ባሼ ዶዲ ታ ማዳኔ፤ ጋዓንቴ ዬያ ማዳሢ ያኦሲ ታኣም ኮሹሞና ዒንጌ ዒንጊፆ ማዓንዳኣፓዓቴም ታናቴዋሴ።

11 ዓካሪ ታናንታ ዔያቶንታ ኦኤኒ ኬኤዛሢ ዬያኬ፤ ዒንሢሚያ ጉሙርቁሢ ዬያኬ።

ሃይቁ ዓሲኮ ዔቁሢ ዛላ

12 ኪሪሰቶሴ ሃይባፓ ዔቁሢ ኬኤዚንታያ ማዔቴ ዒንሢሚዳፓ ፔቴ ፔቴ ዓሳ፡- «ሃይቁ ዓሲ ዔቁዋሴ» ዋይቲ ጋዓይ?

13 ሃይቢዳፓ ዓሲ ዔቁዋያ ማዔቴ ኪሪሰቶሴያ ሃይባፓ ዔቁባኣሴ ጌይሢዳ!

14 ኪሪሰቶሴ ሃይባፓ ዔቁባኣያ ማዔቴ ኦ ኬኤዛ ባኮንታ ዒንሢሚ ጉሙርቁ ባካኣ ጉሪኬ ጌይሢዳ!

15 ሃሣ «ያኦሲ ኪሪሰቶሴ ሃይባፓ ዔቁሴኔ» ጌይ ኦ ኬኤዚያና ለኡዙሞና ኦ ያኦሲም ማርካዳኔ ጌይሢዳ! ዓካሪ ሃይቁ ዓሳ ሃይባፓ ዔቁዋያ ማዔቴ ያኦሲ ኪሪሰቶሴያ ሃይባፓ ዔቁሲባኣሴ ጌይሢኬ።

15:4 ዓይኑ. 16:8-10፤ ማቴ. 12:40፤ ዳኪ. ማዶ 2:24-32። 15:5 ማቴ. 28:16-17፤ ማር. 16:14፤ ሉቃ. 24:34፤36፤ ዮሃ. 20:19። 15:8 ዳኪ. ማዶ 9:3-6። 15:9 ዳኪ. ማዶ 8:3።

16 ሃይቄ ዓሳ ሃይባፓ ዔቁዋቴ፥ ኪሪሰቶሴያ ሃይባፓ ዔቁባኣያኬ ጌይሂኬ።

17 ኪሪሰቶሴ ሃይባፓ ዔቁባኣያ ማዔቴ ዒንሂኮ ጉሙርቂፃ ጉሪኬ ጌይሂኬ! ሃሂ ሄላንዳኣና ዒንሂ ጎሜ ዋልቄኮ ዴማኬ ጌይሂኬ።

18 ኪሪሰቶሴ ጉሙርቂፃ ሃይቄ ዓሳኣ ማይ ጋፔኔ ጌይሂኬ።

19 ኪሪሰቶሴይዳ ሃጊ ማዓንዳ ዋዛ ኑ ጌሃሂ ሃያ ዓጮ ናንጎር ሌሊ ማዔቴ ዓሲ ቢያይዳፓ ባሼ ዓሲኮ ዋልቃ ጌላያ፥ ኑ ላኣፓ ዓሲኬ።

20 ጋዓንቴ ኪሪሰቶሴ ሃይቄ ዓሳ ዔቃንዳሂ ዔርዛያ ማዒ፥ ጎኔ ሃይባፓ ዔቁኔ።

21 ሃይቢ ሙከሂ ፔቴ ዓሂ ዛሎና ማዔሂጉዲ ሃይቢፓ ዔቁሂ ሙከሂያ ፔቴ ዓሲ ዛላናኬ።

22 ዓዳኣሜ ዛሎና ዓሲ ቢያ ሃይቃሂጉዲ፥ ዓሲ ቢያ ኪሪሰቶሴ ዛሎና ሼምፔ ዴንቃንዳኔ።

23 ጋዓንቴ ፔቴ ፔቴሂም ዬይ ማዓንዳሂ ፔ ዋዴና ዋዴናኬ፤ ኪሪሰቶሴ ሃይቢፓ ዔቁሂኮ ቶይዳሂ ማዔኔ፤ ጊንፃፓ ዒዚ ሙካኣና ዓዛር ማዔዘንሂያ ሃይባፓ ዔቃንዳኔ።

24 ዬካፓ ዓካሪ ዒዚ ፑርቶ ዓያና ዋይሂያና ቢታንቶና ሃሃ ዋልቆዋ ቢያ ባይዚ፥ ካኣቴዋዋ ያኦሲ ዓደም ማሄ ዋዶና ዓጮኮ ጋፒንፆ ማዓንዳኔ።

25 ዬያር ያኦሲ ዒዛኮ ሞርኮ ቢያ ዒዛ ባሺሳንዳያ ሄላንዳኣና ዒ ካኣታዳኒ ኮይሳኔ።

26 ጋፒንፆይዳ ባሺንታንዳ፥ ሞርካሂ ሃይቢኬ፤

27 ዓይጎር ጌዔቴ፦ «ያኦሲ ቢያ ባኣዚ ዒ ባሺ ዋይሃንዳጉዲ ማሄኔ» ጌይንቴ ፃኣፒንቴሂርኬ። ጋዓንቴ፦ «ቢያ ባኣዚ ዒ ባሺ፥ ዋይሃንዳጉዲ ማሄኔ» ጋዓዛ፥ ቢያ ባኣዚ ዒ ባሺ ዋይሃንዳጉዲ ዒዛ ዴማ ማሄ፥ ያኦሲ፥ ዓዳሂያ ዒ ዋይሃንዳኔ ጌይሂቴዋሴ።

28 ቢያ ባካ ኪሪሰቶሴ ቢታንቶ ዴማ ማዔሂኮ ጊንፃ ያኦሲ፥ ዓዳሂ ቢያ ባኮ ዋይሃንዳጉዲ ናዓሂ ፔኤር ቢያ ባኮ ዒዛ ቢታንቶ ዴማ ማሄ ያኦሲ፥ ዓዳሂ ቢታንቶ ዴማ ማዓንዳኔ።

29 ዓካሪ ሃይቄ ዓሳ ዔቁዋያ ማዔቴ ዓሳ ሃይቄ ዓሳ ዛሎ ዋኣያ ማሰታሂ ዓይጎ ማኣዳንዳይ? ሃይቄ ዓሳ ማሊ ዔቁዋያ ማዔቴ ዓሳ ዔያቶ ዛሎ ጌዒ ዓይጋ ማሰታይ?

30 ኑኤኒ ቢያ ዋዴ ሜታዲ ናንጋሂ ዓይጌንዴርዳይ?

31 ታ ዒሾንሦ! ታ መሾንሦ! ቢያ ከሌ ታ ሃይቄዎ ዓቲ ዓቲ ናንጋኔ፣ ዩይ ጎኔኬ፤ ዩያጉዲ ኑ ጎዳሢ ዩሱስ ኪሪሰቶሴና ዒንሢኮ ዓኣ ፔቱማኣ ጎኔኬ፤ ዩያ ታ ጫርቂ ጋዓኔ።

32 ታኣኒ ዔፕሶኔይዳ ቦዎጉዴ ዓሰና ያልቲሢ ዓሲ ማለሢሮ ሌሊ ማዔቲ ዓይጎ ታ ዴንቃንዳይ? ሃይቄ ዓሳ ዔቁዋያ ማዔቲ፡-

«ዘር ኑ ሃይቃንዳሢሮ

ኑ ሙዎም፡ ዑሽኮም» ጋዓ ዓሰጉዲ ኑ ማዒባይ!

33 ደቢንቲፖቲ፤ «ፑርታ ላጌ ዓሲ ፑፑርቲሳኔ።»

34 ፒዜ ማለሢ ማሉዋቲ፤ ጎሜ ማዲፖቲ፤ ዒንሢ ባኣካ ያኦሲ ዔሩዋ፡ ፔቲ ፔቲ ዓሲ ዓኣኔ፤ ዩያ ታ ጋዓሢ ቦርሶ ዒንሢም ማዎንጎ ጌይኬ።

ሃይባፓ ዔቃ ዑዎ

35 «ሃይቄ ዓሲ ዋይቲ ዔቃይ? ሃይባፓ ዔያታ ዋዚጉዴ ዑሢና ዔቃይ?» ጌዒ ያኦጫ ዓሲ ናንዳኔ።

36 ዩይ ዓይጎ ዔኤዩሞዳይ! ኔኤኒ ዜርቃ ዜርፃ ሳይይዳ ዋዒባኣቲ ባቃላኒ ዳንዳዑዋሴ፤

37 ኔኤኒ ዜርቃኣና ዛርጌታቲያ ሜሌ ሜይኮ ዓኣፖማ ኔ ሌሊ ዜርቃኣፓዓቲም ባቃሊ ኬሰካ ባኮ ቢያቱዋሴ።

38 ያኦሲ ጋዓንቴ ዜርፂሎም ኮዔሢጉዴያ ዑሢ ዒንጋኔ፤ ፔቲ ፔቲ ዜርፆም ቢያ ዲማ ዲማ ዑሢ ዒንጋኔ።

39 ዓሽኪ ቢያ ዋሊ ማላያቱዋሴ፤ ዓሲ ዓሽኪ ዋሊ ማላያኬ፤ ቆልሞ ዓሽኪ፣ ካፒ ዓሽኪ፣ ሞሎ ዓሽኪ ዲማ ዲማኬ።

40 ዩያጉዲ ጫሪንቺዳ ዓኣ ማዢንቲ ዓኣኔ፤ ሳይይዳ ዓኣ ማዢንቲ ዓኣኔ፤ ጋዓንቴ ጫሪንጫ ዓኣ ማዢንቶኮ ቦንቻ ዋሊ ማላያኬ፤ ሳይይዳ ዓኣ ማዢንቶኮ ቦንቻ ዲማኬ።

41 ዓቢ ማላ ፔቲኬ፤ ዓገኒ ማላ ዲማኬ፤ ሃሣ ዡኦጋሢኮዋ ማላሢ ዲማ ዲማኬ፤ ዋይቲ ጌዔቲ ፔቲ ዡኦጋኮ ማላሢ ሜሌ ዡኦጋይዳፓ ዲማታሢሮኬ።

42 ሃይቢፓ ዔቃ ዓሳ ያዲ ማዓንዳኔ፤ ሃይቄ ዋዓ ዑሢ ማኣዒ ዲኡቲሢ ዋዑዋያና ናንገና ናንጋ ዑሢ ማኣዒ ዔቃንዳኔ፤

43 ሚዛጲዋያ ማዒ ዲኡቲሢ ሚዛጲ ዔቃንዳኔ፤ ላቤያ ማዒ ዲኡቲሢ ዋልቄና ዓኣያ ማዒ ዔቃንዳኔ፤

44 ዓሲ ዑሢና ዓኣያ ማዒ ዲኡቲሢ ዓያና ዑሢ ዓኣያ ማዒ ዔቃንዳኔ። ዓሲ ዑሢና ዓኣያ ማዒ ዓያና ዑሢና ዓኣኔ ጌይሢኬ።

45 ይደር፡- «ቤርታሳ ዓሢ፥ ዓዳአሜ ሼምፖና ዓኣ ዓሲ ማዔኔ»
ጌይንቲ ፃኣፒንቴኔ፤ ጌንፃኣ ዓዳአሜ፥ ኪሪሰቶሴ ጋዓንቴ ሼምፖ
ዒንጋ ዓያና ማዔኔ።

46 ጋዓንቴ ቤርታ ሙኬሢ ዓሶ ዑዖና ዓኣሢ ማዓንዳኣፓ ባቴም
ዓያናሲቱዋሴ፤ ዓያናሲ ሙኬሢ ዓሶ ዑዖና ዓኣሢኮ ጌንፃፓኬ።

47 ቤርታኣ ዓሢ፥ ዓዳአሜ ዓጪዲፓ ማኸንቴ ሃያ ዓጮ ዓሲኬ፤
ለምዓሳ ዓሢ ሙኬሢ ጫሪንጫፓኬ።

48 ሃያ ሳፖሮ ማዔዘንሢ ሳዓፓ ማኸንቴሢ ጉዲኬ፤ ጫሪንጮሮ
ማዔ ዓሳ ጫሪንጮሲ ማላያኬ።

49 ኦኦኮ ዑፃ ሳፖ ዓሢሲ ማላሢጉዲ፥ ጫሪንጮ ዓሢሲያኣ
ማላንዳኔ።

50 ታ ዒሾንሦ! ታ ሚሾንሦ! ታ ዒንሢም ኬኤዘም፤ ዓሲ ዓኣ
ጎይዖ ዓኣዖ ዖኦሲ ካኣቱሞይዳ ጌላኒ ዳንዳዑዋሴ፤ ይያጉዲ ባይቃ
ዑፃ ባይቁዋ ዑዖ ዳካላዓኬ።

51 ዓካሪ ፔቴ ዓኣሺንቴ ባኣዚ ታ ዒንሢም ኬኤዘም፤ ኦኦኒ ቢያሢ
ሃይቃዓኬ፤ ጋዓንቴ ቢያሢ ኦ ላኣሚንታንዳኔ፤

52 ኦኦኒ ላኣሚንታንዳሢ ጋፒንሢ ዛያ ዋርቁንታዛ ዓኣፒ
ጌኣጳማጉዲ ዔርቲባኣንቴኬ፤ ዛያ ዋርቁንታንዳኔ፤ ይማና ሃይቁ ዓሳ
ባይቁዋያ፥ ናንጊና ናንጋያ ማዒ ዔቃንዳኔ፤ ኦኦኒ ጌይዖ፡- ሃይቁባኣዖ
ዓኣ ዓሳ ላኣሚንታንዳኔ።

53 ዓይጎር ጌዔቴ ሃይ፥ ባይቃ ዑፃ ባይቁዋ ዑሢና ሃይቃ ዑፃ
ሃይቁዋ ዑሢና ላኣሚንታንዳያ ኮይሳኔ።

54 ባይቃ ዑፃ ባይቁዋኣሢ፥ ሃይ፥ ሃይቃ ዑፃ ሃይቁዋኣሢ ማኣዓ
ዋደና «ሃይቢ ባሺንቴኔ!» ጌይንቴሢ ኩማንዳኔ።

55 ይያጉዲ፡-
«ሃይቢዮ! ኔ ባሻሢ ዋካዳይ?

ዓሶ ኔ ጫርጋ ዋልቃ ኔኤኮ ዓንካይዳ?»
ጌይንቲ ፃኣፒንቴኔ።

56 ሃይቢኮ ዓሲ ጫርጎ ዋልቃ ጎሜኬ፤ ጎሜኮ ዋልቃ ሃሣ ዋጌኬ።

57 ጋዓንቴ ኦ ጎዳሢ ዬሱስ ኪሪሰቶሴ ዛሎና ባሺሢ ኦም ዒንጋ
ዖኣዛሢም ጋላታ ሄሎንጎ።

58 ይደር ታ ዒንሢ ናሽካ፥ ታ ዒሾንሦ! ታ ሚሾንሦ! ደዲ
ዔቁዋቴ፤ ዓይጎ ባኣዚናኣ ሴካ ሃንጋ ጌዒ ዓጊፖፕቴ፤ ጎዳ ማፎ
ማፈኒ ዒንሢ ላቢንታሢ ጉሪ ማዒባኣሢ ዔሪ፥ ቢያ ዋዴ ጎዳ ማፎ
ደዲ ማፈኒዋቴ።

15:45 ማኸ. ማፃ 2:7። 15:52 1ቱሲ. 4:15-17። 15:54 ዒሲ. 25:8።
15:55 ሆሴ. 13:14።

16

ዩሩሳሌም ዓኣ ኪሪሰቶስ ጉሙርቃ ዓሶም ኬሶና ሚኢሾ

1 ኪሪሰቶስ ጉሙርቃ ዓሶም ኬሲንታ ሚኢሾ ዛሎኮ ጋላቲያ ዓጫ ዓኣ፣ ኪሪሰቶስ ጉሙርቃ ዓሶም ታ ዓይሄ ጎይፆ፣ ዒንሢያ ያዲ ማዲዎቲ።

2 ታኣኒ ሙኩም ዒንሢ ሚኢሾ ኬሱዋጉዲ፤ ቃልሾ ኬሎ ጋራ ቢያ ወዴ ወዴ ፔቴ ፔቴሢ ሚኢሾ ዴንቃ ጎይፆ ሚኢሻፓ ፔኤኮ ዲማሲ ኬሲ ኬሲ ጌሦንጎ።

3 ታኣኒ ዒንሢ ኮይላ ሙካፆ ዒንሢ ደኦራንዳ ዓሳ፣ ሚኢሾ ዩሩሳሌም ዔኪ ዓኣዳንዳጉዲ ዋርቃታ ፆኣፒ ዔይቶና ዳካንዳ።

4 ታ ዓኣዳንዳያ ኮይሳያ ማዔቴ ታኣና ዋላ ዔይታ ዓኣዳንዳ።

ጳውሎስ ማሌ ማሊፆ

5 ማቄደኒያ ጊዴና ጌዒ ዓኣዳኒ ታ ማሌሢሮ ዒኢና ዓኣዳፆ ዒንሢ ኮይላ ታ ሙካንዳ።

6 ታኣኒ ዴንዳ ቤዘ ቢያኮ ጎይፆም ማዓ ማኣዶ ዒንሢ ታኣም ማዳንዳጉዲ ጎፆንቴ ታ ዒንሢ ኮራ ዴዒ፣ ባርጎዋ ታ ዒኢካ ዓኣሣንዳያ ናንዳ፤

7 ሃሢ ዴንዶ ዴንዳፆ ታ ዒንሢ ዳካና ዛጋንቴዋንቴ ጎዳ ጌዔቴ ዳካ ፆደሲ ዋዴ ታ ዒንሢና ዴዓንዳ፤ ጌዒ ሃጊ ማዓንዳ ዋዛ ታ ጌሃ።

8 ጋዓንቴ ጳንጻቆስጻ ጌይንታ ቦንቾ ኬሎ ሄላንዳኣና ዔፕሶኔይዳ ታ ዴዓንዳ።

9 ዓይጎሮ ጌዔቴ ሚርጌ ማደኮ ካራ ታኣም ቡሊንቴ፤ ታና ዒዲ ማካ ዓሳ ጋዓንቴ ሚርጌኬ።

10 ዲሞቴዎስ ዒንሢ ኮይላ ሙኬቴ ሂርጋ ባኣያ ዒንሢ ኮይላ ዒ ዴዓንዳጉዲ ዒዛ ማኣዲዎቲ፤ ዓይጎሮ ጌዔቴ ዒዚ ታጉዲ ጎዳ ዩሱስ ዓይሄ ማደ ማዳያታሢሮኬ።

11 ዩያሮ ፆኣኒያ ዒዛ ቦሁዋጉዲ፤ ዒዚ ዒሾንሢና ዋላ ታ ኮራ ማዒ ሙካንዳ፤ ጌዒ ታ ካፓያታሢሮ፣ ታ ኮይላ ዒ ኮሺና ሙካንዳጉዲ ጎይፆኮ ዒዛም ኮይሳ ባኣዚ ማኣዲሢና ዋዛሲ ዳኩዋቲ።

12 ኑ ዒሻሢ ዓጲሎስ፣ ማሌ ዒሾንሢና ዋላ ዒንሢ ኮይላ ዓኣዳንዳጉዲ ሚርጌና ታ ሺኢቄንቴ ዒዚ ሃሢ ዒንሢ ኮይላ

16:1 ሮሜ 15:25-26። 16:5 ዳኪ ማደ 19:21። 16:8 ለዊ. ዓከ 23:15-21፤ ለሚ. ዋማ 16:9-11። 16:9 ዳኪ ማደ 19:8-10። 16:10 1ቆር. 4:17።

ሙካኒ ዳንዳዒባኦስ፤ ዒዛም ጊኢጌ ዎዴና ጋዓንቴ ዒንሢ ኮይላ ዒ ሙካንዳ።

ጋፒንሢ ዘሮና ሳራሥሢና

13 ጴጤዎቴ፤ ጉቤ ዒናፓ ኪሪሰቶስ ጉሙርቁዎቴ፤ ዶዶዎቴ፤

14 ዒንሢ ማዳ ባኮ ቢያ ናሹሞና ማዳዎቴ።

15 ታ ዒሹንሦ! ታ ሚሹንሦ! ዒስፂፓኖስ ማእር ዓሳ ዓካይያይዳ ቤርታሲ ኪሪሰቶስ ጉሙርቅ ዓሲ ማዔሢና ያኦሲ ዓሶ ማእዳኒ ዒናፓ ናሽካያ ማዔሢ ዒንሢ ዔራ።

16 ዬያቶጉዴ ዓሶና ዔያቶና ዎላ ማዳ ማዳ ላባዞንሢሞ ቢያ ዒንሢ ዓይሢንታንዳጉዲ ታ ኬኤዛ።

17 ዒስፂፓኖስንታ ፔርዶናዎስንታ ዓካይቆስንታ ታ ኮራ ሙኬሢሮ ታ ኮሺ ዎዛዴ፤ ዓይጎር ጌዔቴ ዒንሢ ታ ኮይላ ባኦያ ማዒዎና ታኦም ፓጤ ባኮ ዔያታ ኩንሢ።

18 ዔያታ ታናንታ ዒንሢንታኮ ዒኖ ሃውሺሴ። ዬያር ዬኖጉዴ ዓሳ ጋዓ ባኮ ዎይዙዎቴ።

19 ዒሲያ ዓጮይዳ ዓኦ፣ ኪሪሰቶስ ጉሙርቅ ዓሳ ዒንሢ «ኮሺዳ?» ጋዓ፤ ሃሣ ዓቂላና ጲሪሰቂላና ዬያጉዲ ዔያቶ ማእራ ቡኪንታ፣ ኪሪሰቶስ ጉሙርቅ ዓሳ ቢያ ጎዳ ዬሱስ ሱንዎና ሚርጌና ዒንሢ «ኮሺዳ?» ጌዔ።

20 ሃይካ ዓኦ፣ ኪሪሰቶስ ጉሙርቅ ዓሳኦ ቢያ ዒንሢ «ኮሺዳ?» ጋዓ፤ ዎሊኮ ጌርሲንሢጉዲ፣ ናሹሞና ሄርቂ ሄርቂ ዎሊ ዔኤሉዎቴ።

21 ታኦ፣ ጳውሎስ ሃያ ሳራሢያ ኪኦቶ ዒንሢም ታ ኩቻ ያኦፔያኬ።

22 ጎዳ ናሽኩዎ ዓሲ ዓኦቶ ጋዳንቂንቴያ ማዎንጎ፤ ኑ ጎዳሢዮ፣ ሙኬ!*

23 ጎዳ ዬሱስኮ ኮሹማ ዒንሢና ዎላ ማዎንጎ።

24 ዬሱስ ኪሪሰቶስ ሱንዎና ዒንሢ ቢያሢ ታ ናሽካ።

16:15 1ቆሮ. 1:16። 16:19 ዳኪ. ማዶ 18:2። * 16:22 ጎዳሢዮ ሙኬ/፣-ጋዓዛ ዓራማይኬ ሙኤቺና «ማእራናታ!» ጌይንታ።

ጌሌዥ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929